

SERVICIO NA CENSO TA BIRA DIA PA DIA UN CHAOS TOTAL



GOBIERNO anterior a core cu Robert Pablo como Director di Censo y Registro Civil, pa motibonan te ainda no mucho cla. A nombra sra. Sharline Luydens den su funcion, kende a haya asistencia di un “experto” for di Corsow, pa bin yuda drecha e servicio na Censo y Registro Civil. A crea un sistema nobo berdad, e.o. pa test esaki pa determina si e ta funciona of no. PAG. 2



Diamars 1 di Juni 2010 | Margrietstraat 3 | Tel: 583-1400 | Fax: 583-1444 | noticia@awemainta.com

awemainta.com

SITUACION DI VALERO TA STATUS QUO

NI DIFUNTO NO TA SCAPA MAS DI LADRON

AYERA tabatin un caso di ladronia cu a tuma lugar na un cas na Italiastreet, Eagle. For di e cas aki, e anti-social(nan) a bay cu un cantidad di joyas. Pero loke nan a bay cune pa ignorancia, ta un urna cu restonan di un serkeri di e habitantenan di e cas. Esaki sigur nan kier haya bek, p’asina e difunto por sigui sosega na paz.

TEMPORADA DI HORCAN A INICIA OFICIALMENTE

E hendenan aki no por ta serio
ORA INVITA NAN PA REUNIDEN OFICINA, BOMBERONAN TA NENGA DI SINTA NA MESA

E DI 10 EDICION DI SOUL BEACH FESTIVAL TABATA ESUN DI MIHOR DI ULTIMO AÑANAN



MINISTER di Husticia, mr. drs. Arthur Dowers ta desapunta den miembronan di Cuerpo di Bombero, kendenan diabierna ultimo a dicidi di bay den accion pa demostra nan malcontento. PAG. 3



DIASABRA como dia-domingo, Soul Beach Festival, cu e aña aki pa prome biaha a tuma lugar den Joe Laveist Sportpark, t’esnan mas grandi y di mihor. Tur hende a sali satisfecho, tanto e turistanan Mericano cu a bin p’e ocasion aki, como nos hendenan local. PAG. 9



Enbez di drecha

Servicio na Censo ta bira dia pa dia un chaos total



GOBIERNO anterior a core cu Robert Pablo como Director di Censo y Registro Civil, pa motibonan te ainda no mucho cla. A nombra sra. Sharline Luydens den su funcion, kende a haya asistencia di un “experto” for di Corsow, pa bin yuda drecha e servicio na Censo y Registro Civil.

A crea un sistema nobo berdad, e.o. pa test esaki pa determina si e ta funciona of no. Pero luna ta bay ta pasando, y por constata cu e servicio na Censo dia pa dia ta birando un chaos total. Prome Minister Mike Eman a ser poni na altura pa diferente persona caba di e situacion aki, pero nada a ser haci pa drecha e servicio aki.



A ser puntra, si no ta posibel pa laga oficinanan di Gobierno, e Hulp Bestuurskantoornan den bario, si nan mes no por haci algun di e trabao di Censo, pero te awe no tin decision al respeto.

Tin grito pa trece Roberto Pablo bek, pasobra tempo di su tem-

po, no tabatin un chaos asina. Ta bon pa trece Pablo bek, kende si ta un persona cu amplio experiencia y lo por alivia e situacion reinante aki.

Bo ta bay mainta tempran, ya caba tin rijnan largo, y ta dura sigur varios ora prome cu bo sali for di Censo.

Si bo mester traha, bo ta sigur cu nunca lo bo por yega trabao na tempo. Al menos si bo ta un empleado publico, bo no ta

worry.

Pa colmo ora bo yega na porta, tin un miembro di seguridad ta parabo, y ta puntra pakico bo a bin Censo y sabiendo cu tog bo no ta wordo yuda, e ta mandabo cas pabo bin otro dia. No por!!! Mester cuminsa drecha eficiente y productividad na Censo y si esnan cu tey no por, hala un banda y lo pone otro.

Ehecutivonan di Valero ta masha contento y masha agracedido na Gobierno di Aruba, pero Situacion di Valero ta status quo



AYERA tabata un dia di fiesta na Merca, Memorial Day, pero asina mes nos a logra di haya Relacionista Publico di Valero, Bill Day, kende a cuminsa na bisa cu Valero ta masha contento y satisfecho cu loke cu Prome Minister Mike Eman y Minister di Energia, Mike de Meza a haci, pa trece un cambio pa loke t'e paquete fiscal pa cu Valero.

Sigur esaki ta un gran logro y ta duna Valero espacio pa

por sigui evalua y negocia cu gruponan interesa.

Bill Day no kier menciona e gruponan cu Valero ta negociando cu nan, pero cu nan ta na mesa cu algun, ta un hecho. Cu manera menciona, e cambio di ley, cumpliendo cu e Settlement Agreement, sigur a ser recibi cu beneplacito pa Alto Ehecutivonan di Valero. Pero pa loke ta trata futuro di e refineria, Bill Day a duna di

conoce cu e situacion ta status quo. E ta manera 6 luna pasa, nada no a cambia ainda, pasobra no tin ningun decision tuma.

Puntrando su ta berdad cu Bill Klesse ta na caminda pa Aruba, e Relacionista Publico di Valero a duna di conoce cu e no ta na altura di esaki. Kier men cu e rumornan cu ta circula na Aruba, no ta berdad y ta rumor t'e awor.

Otro empleado publico a keda deteni

Acusa di falsificacion di documento

DEN fin di siman, autoridadnan hudicial a detene sra. Lisette Donata, tabata casa te recientemente cu Irausquin, sospecha di a comete un serie di falsificacion di documento. E empleada publico aki ta traha na BID y su mira su trayectoria, no ta prome bi-aha cu el a hay'e den man di husticia pa cu falsificacion di documento y firma.

E biaha aki si, esnan perhudica a bisa cu ta basta y a haci un denuncia den su contra, pa cual den fin di siman, el a keda deteni pa mas inves-

tigacion.

Un di su ultimo actonan, di acuerdo cu informacion recibi, e señora aki a logra di falsifica firma di su esposo, pa por cobra 6 mil florin di belasting di mas paga. Un suma cu e no tin derecho riba dje.

Ultimamente, por constata cu tin masha empleado publico ta cay den man di husticia, sea pa actonan fraudulentos, of falsificacion di documento. Asina p.e. tin un caso serio ta ser investiga y pronto lo por tende di mas detencion lo cay.

AWEMainta****
e corant di Toko
Tel: 583-1400 Fax: 583-1444

E hendenan aki no por ta serio Ora invita nan pa reuni den oficina, bomberonan ta nenga di sinta na mesa



MINISTER di Husticia, mr. drs. Arthur Dowers ta des-
punta den miembronan di
Cuerpo di Bombero, kendenan
diabierne ultimo a dicidi di bay
den accion pa demonstra nan

malcontento. Nan a demanda
pa ayera haya un contesta riba
nan carta, de lo contrario lo bay
den accion atrobe pa algun ora
y den oranan di atardi, lo dicidi
si ta bay den un welga, sin tin

un conflicto.

Diabierne ultimo, e mandatario
a invita un delegacion di e sin-
dicato, SINBA pa bin sinta na
mesa y discuti nan preocupa-

cion, pero nan a nenga dor di
e.o. dor di instigacion di hasta
algun miembro di prensa.

E bezoldigings-regeling cu ta
data for di 1995, a bin ta fun-
ciona, y awor kier p'esaki ta
soluciona di anochi pa mainta.
Pero Minister Dowers a bisa, cu
nan ta considera cu tin punto
pa considera, pero sigur no ta
acepta pa pone Gobierno bao
di presion.

Si ta bisa cu e materialnan di
bombero no ta optimal, anto
nan ta bon si, pa bin demonstra
dilanti di Bestuurskantoor.
Pesey Minister mr. drs. Arthur
Dowers lo pone nan responsa-

bel si algo pasa cu e material,
pasobra enbes di cuida nan, e
ora ey si nan ta bon pa bay de-
monstra cu nan dilanti di Oficina
di Gobierno.

Gobierno aki a pone un suma
di 3.6 miyon florin pa Cuerpo
di Bombero, pero ni esaki ta
importante.

Pesey no por keda sin pensa,
cu un biaha mas tin politica
ta hunga un rol den tur e ac-
cionnan aki. Sigur ora cu tende
e grito: "Cumpli awor!!" Gobi-
erno aki sigur no ta sucumbi
pa chantage y presion di parti
di algun miembro di Cuerpo di
Bombero, según Minister Dow-
ers. Tambe e por nota cu tin un
falta di comunicacion entre e
Comandante interino y miem-
bronan di SINBA, cu ta crea un
ambiente cu no ta necesario.
Si ta politica nan kier practica,
laga esaki ora di eleccion. Pue-
blo a papia cla, cu nan a keda
eligi pa drecha loke a ser dañá,
pero duna Gobierno tambe e
espacio pa haci esaki. Gobierno
no ta nenga di haya un solucion
pa nan, y a demonstra caba, cu a
pone 3.6 miyon disponibel pa
cumpra e.o. material nobo.

Den su calidad di Presidente di Comision Permanente di Parlamento Andin Bikker lo manda pidi reunion urgente cu WEB Aruba N.V.

PARLAMENTARIO y lider di
Democracia Real mr. Andin Bik-
ker den su calidad di Presidente
di e comision permanente di
Parlamento pa cu companianan
estatal ta bay laga yama un re-
union urgente cu e compania di
awa y electricidad WEB Aruba
N.V.

Esaki a base di e recibonan halto
y e "blackout" pa via di caida
di coriente cu a asota nos isla
pa oranan largo diabierna cu
a pasa.

Hecho preocupante ta cu ulti-
mamente tin mas y mas black-
out. Di informacionan ricibi por
ehempel diadomingo tambe un
par di bario a wordo confronta
cu coriente a bay pa oranan
largo.

Manera conoci Partido Democ-

racia Real semper a duna oido
n'e grito di pueblo pa baha prijs
di awa coriente y ta hibando un
lucha fuerte pa cu esaki. PDR
ta haya cu ta inacceptabel cu
coriente ta bayendo cu asina
hopi frecuencia y pa tanto parti
di e isla, afectando nos pueblo
grandemente, pero tambe e
hotelnan y e sector cu ta biba
di servicio na turista manera
restaurant, tienda, lugarnan pa
sali y wak pelicula.

Hopi restaurant y otro estableci-
mento mester a sera nan porta
tempran riba un diabierna di
fin di luna, un di e dianan di
mas benta den luna. E hecho cu
coriente a bay ta afecta comer-
cio mas hopi cu normal pa via
di e situacion economico dificil.
Pues nos economia den su

totalidad ta wordo afecta de-
sproporcionalmente ora cu e
sistema di produci energia ta
cuminsa faya cada bes.
Den e reunion cu lo bay tuma
lugar pronto tambe lo pidi pa
haya splicacion riba e hecho cu
tin un averahe di sigur como
20% di coriente cu awor ta
wordo produci sin brandstof-
clause via e molinanan di bi-
ento y e boiler nan nobo "recip",
y asina mes aparentemente ta
cobrando brandstofclause
riba 100% di e uso di coriente,
algo cu ta incomprendibel pa
pueblo.

PDR lo keda super vigilante pa
cu e desaroyonan riba e tereno
di prijs di awa y coriente y p'e
servicio continuo di suministro
di ambos wordo garantisa.



Otro morto den trafico na Corsow



NIEUWE HAVEN – Diasabra marduga, 2.50, Corsow a conoce otro victima den un accidente fatal di trafico. Ta trata aki di un accidente di trafico cu a tuma lugar diasabra madrugada dilanti di e monumento di autonomia na Nieuwe Haven.

Un Suzuki Swift color blanco cu 3 persona den dje pa motibonan cu ainda autoridadnan di trafico ta investigando a kita for di caminda y a bay dal violentamente den un pal'i lus cu consecuencianan bastante serio.

Tur 3 persona den e vehiculo

aki a resulta herida, mientras cu e prome informacionnan ta bisa cu chofer di e vehiculo no tabata dunando señal di bida. A bin resulta despues cu chofer di e vehiculo a bin muri n'e sitio di accidente. El a keda identifica commo Gregory Stephen Oliviera, naci na Corsow dia 1 di juni 1985. Si el a keda na bida e lo a cumpli aña awe 25 aña. E 2 otro ocupantenan tambe a resulta herida y a transporta nan pa hospital pa mas tratamento medico. Nos ta extende nos mas profundo condolencia na famia di e victima.



Polis a logra gara chofer cu a ocasiona accidente y a subi den otro auto bandona e sitio



DIASABRA atardi a drenta informe di un accidente na San Nicolas banda di Foxy Lady. Na yegada di e patruxa policial, a bin compronde cu e chofer di e auto A-31197 a perde control y a bay dal un auto staciona. Despues di a ocasiona e acci-

dente aki e chofer a para un otro amigo, pasando den un pick-up y a subi bay cune.

Polis a haya e descripcion y mesora un otro patruxa a logra para e pick-up aki pa atende cu e chofer di e hit and run.



Manera tabata di spera

Coby Geerman a haci su re-entrada den Directiva di UEA

DIABIERNE ultimo, tabatin eleccion pa un directiva nobo di e sindicato Union Electricista Arubano (UEA), unda e biaha aki, un biaha mas Coby Geerman tabata candidato pa bira Presidente di e sindicato aki, hunto cu 3 otro candidato mas. Manera tabata di spera Coby Geerman a haya e confianza di mayoria di miembro pa haci su re-entrada den UEA. El a cuminsa na bisa, cu pa

promete biaha den historia cu gerencia di N.V. Elmar a permiti un comision di eleccion traha riba propiedad di e compania mes.

Despues di a reuni cu e directiva nobo, UEA a spera di sinta cu gerencia di N.V. Elmar. Coby Geerman den mesun rosea a duna di conoce, cu e lo laga tur cos tras di lomba, ya cu manera ta conoci, na varios

ocasion anteriormente, mesun Coby Geerman aki tabata bisa, cu cabez di e Director, Robert Henriquez of esun di dje lo cay. Pero esaki e ta considera pa pasado y ta hunto mester traha pa bienestar di N.V. Elmar na prome lugar y sigur di pueblo di Aruba en general. Pero si e mantene su punto di bista, awe ta cabez di Robert Henriquez sigur lo a lora, pasobra esaki ta loke cu miembronan

tambe tabata desea. Pa evita un paro grandi, Coby Geerman a dicidi p’e bay.

Mira p.e. declaracion cu e mesun persona aki a declara, riba con pa spaar coriente, di bay sinta bao di palo y habri ventana. E mes ta haci esaki? No, anto pakico ta demanda esaki di pueblo? Ta di spera cu Robert Henriquez cambia di actitud, sino, ta problema so lo tin,

según Coby Geerman.

Cu e sosten cu el a haya di e trahadornan di N.V. Elmar, cambionan tambe mester bin. Y un di e pesonan cu ta afecta tur hende, t’e brandstofclausule, y como tal hunto cu gerencia di N.V. Elmar, UEA ta spera di por haya un solucion pa baha esaki. Coby Geerman ta haya cu mester bin cambio tambe den sindicalismo, cu mester sali na defensa di pueblo.

Oficina di Gobierno na San Nicolas ta cera awe 1 di juni

OFICINA di Gobierno na San Nicolas (hulpbestuur-skantoor) ta cera awe 1 di juni pa publico relaciona cu trabao di mantencion. Mañan, diaranson 2 di juni e oficina lo ta habri normal-

mente pa ofrece servicio na su clientenan di San Nicolas y vecindario. Gerencia ta pidi disculpa pa cualkier inconveniencia cu por surgi.

Caminda sera ta causa chaos



ESNAN cu a dicidi di sera e caminda dilanti Aeropuerto den fin di siman, a causa basta problema cu trafico. Por a mira rijnan di auto y personana sumamente rabia. Loke ta haci e hecho aki fastioso, cu no tabatin ningun participacion di loke lo tuma lugar.



N.V. ELMAR

Wilhelminastraat 110 P.O. Box 202
Oranjestad, Aruba
Tel.: (297) 523 7100 - Fax (297) 582 8991
Website : www.elmar.aw
E-mail : info@elmar.aw

INTERUPCION DI SUMINISTRO DI CORIENTE

En Conexion cu trabaonan necesario, coriente lo wordo interumpi:
diahuebs, 3 juni 2010 for di 8:00’or di mainta te cu 4:00’or di atardi den vecindario di:

Palm Beach (un parti), Salinja Cerca (un parti), Monserat (un parti), Noord (un parti), Kamay (un parti), Caya Cocolishi, Caya Cangreuw i Caya Calco.

Di antemano nos disculpa pa cualkier inconveniencia cu e interupcion aki por causa.

Pa mas informacion, por tuma contacto cu nos “Departamento di Servicio pa Cliente”, na 523-7100.

Diarazon awor, Corte den Prome Instancia ta bin pa dos caso penal

2 juni 2010 Corte di Prome Instancia

Horario	Sospechoso	Acto Castigabel
13.30	C.M.F.v.d.K.	V.d.K. ta wordo acusa di, conhuntamente cu otro, tabatin cocaine den su posesion den e periodo di prome di december 2006 te 9 di februari 2007.
14.00	A.L.A.	A.A. ta wordo acusa di riba 14 di december 2009, cu violencia y/of menaza cu violencia, a haci intento di forza su mes sexualmente riba un persona cu esten tabatin 12 aña, pero ainda no 16 aña di edad.

AWEMainta

e corant di Toko

Tel: 583-1400 Fax: 583-1444

Diadomingo ultimo, tabatin un accion di rescate di un participante di Ultimate Challenge kende a bira malo riba Hooiberg



DIADOMINGO atardi durante e Ultimate Challenge, un

participante di Team Power Trip a bira malo riba Hooiberg. E no por baha di su mes, pa cual a pidi asistencia di Cuerpo di Rescate di Bombero, cu porcierto tabata n'e sitio y asina a yuda e victima di fam V.



HITESS N.V.

Arendstraat 124

Tel: 297 - 588-5966

Fax: 297 - 588-5895

Email: info@hiteess.com

Cambio den orario pa keur auto diabierna na DTI

DIENST Technische Inspecties (D.T.I.) ta informa cu entrante diabierna 4 di juni tur cita pa keur auto entre 12'or y 1'or di merdia lo pasa pa 1'or y 2'or di merdia. Ta pidi tur hende cu tin cita haci pa 12'or di merdia pa trece na auto pa 1'or di merdia. Si acaso no por trece e vehiculo na e orario nobo, e cliente por yama 584-

0296 pa un cita nobo.

E cambio ta pa motibonan organisatorio den e seccion administrativo cu e meta pa brinda un mihor servicio na tur cliente.

D.T.I. ta pidi disculpa si e cambio aki por trece cualkier inconveniencia.

Orario di keurmento di auto riba diabierna entrante 4

di juni 2010 lo ta igual na e otro dianan den siman. Pues parti mainta di 8'or pa 11:30 y despues di merdia di 1'or pa 3:30. E number di telefon pa traha un cita pa keur auto ta 584-0296

Tur otro servicio di D.T.I. cu ta mara na un cobranza tambe lo tuma lugar segun e orarionan menciona.




Check out nos “Father’s Day Specials”

Na nos sucursalnan na
Cura Cabay, Sabana Blanco y Shaba



Mervin Ras

Gobierno ta haya sosten di stempeldoos pa e sweet deal cu Valero



DIASABRA tabata un dia scur pa democracia di Aruba, unda cu gobierno den tempo record a logra pasa un sweetdeal cu un multinational sin ningun pero ningun garantia pa nos mama y tatanan trahando na refineria Valero. Por bisa cu aunke cu Presidentedi Parlamento a anuncia den medionan di comunicacion cu e si lo no trata e leynan sin nan no drenta na tempo a sabiendas cu e deadline ta 1 di juni 2010, sinembargo practica a demostra diferente. De estilo di “Amo mi ta cumpli cu tur bo deseonan” a core pone reunion di un dia pa otro. Nos a ricibi e ley pa 4.50 p.m. di atardi dialuna 25 di mei via mail anto e invitacion tambe via mail pa e reunion 8.30 di mainta 26 di mei. Net promer cu e reunion a ricibi otro documento mientras cu “e settlement agreement ni a ser manda pa Parlamento. A duna nos oranan pa traha pregunta sin skucha instancianan, loke den pasado semper tabata e caso. Despues di cu

casi no a duna parlamento tempo pa verwerk y a traha un relato den dos idioma nunca visto Gobierno djies slordig a contesta algun pregunta mande pa Parlamento diabierna atardi tardi 4 or pa diasabra mainta 9 or nos reuni. Si e complacencia cu gobierno aki no ta un ehempel di stempelparlement of stempeldoos di un dozijn di stempel anto kico no ta? No a ni worry cu trahadornan di Parlamento mester bin traha ariba diasabra henter dia di 9 or di mainta te 2.30 di marduga. Esaki contrario na un par di luna pasa ora AVP tabata den oposicion cu tabata haci henter un fanfaria pa trahadornan di Parlamento cu sa traha overtime. Tanto actual minister nan Mike de Meza, Otmar Oduber, Benny Sevinger y ministro Presidente Mike Eman e tempo aya a haci difcil encunto horario di trahadorna, anto awor cu nan por haci diferente nan ta abusa di e trahaoranan.

Gobierno si a haya tur su tempo desde januari y februari di e anja aki pa concipia y manda e concepto di ley te april pa Raad van Advies, cu a tuma tur su tempo esta 6 siman pa duna un conseho anto pa awor Presidente di Parlamento despues di a bisa diferente awor ta buig cabez y buldoze e ley den Parlamento. Anto sin duna oportunidad pa pidi conseho di instancianan relevante. Con strango cu e por muestra den e caso aki Parlamento no a haya ongevraagd advies di Camara di Comercio ni di SER of reaccion di sindicatonan. Tur hende ta sumamente keto sperando. Discursionan di ministernan tabata “to good to be true”. Y no

a contesta tur pregunta. Nos tur ta mira cu ta di importancia di tin un refineria na pais Aruba y e estabilidad cu e ta duna nos economia y nos cuidadananan mama y tatanan den nos comunidad. Sinembargo Fraccion di MEP no por mira interes di un multinational so sino tambe di nos pais Aruba y nos sobrevivencia financiero-economico. Valero tambe tin interes pa keda Aruba mirando con nos ta situa y nos estabilidad den region. Dus nos tin un bargening chip hopi importante cu otro pais of isla no tin. Manera cu colega Swaen a trese padilanti Valero a haci hopi ganashi. Na 2004 455 mln na 2005 1.10 billion, 564 mln na 2006 y na 2007 760 mln. Den 4 anja 2.799billion y 926 mln impuesto di ganashi. A parse comosifera cu gobierno a tira na cara cu ya caba a inverti 90 miyon pa paga trahador den e ultimo anja. A muestra di buena fe pa wanta trahadornan na trabao pa un anja. Esey cu tur respet ta nada compara cu e billonnan cu Valero a gana na pais Aruba. E ta refleha masbien e falta di habilidad di gobierno pa negosha dirigi y cu resultado. Nos como Arubiano semper tabata orgulloso di kico nos tin pero ta parse cu e gobierno aki ke bende Aruba y nos trahadornan pa un CHEAP PRICE. Tanto cu a negosha cu PEMEX (Mexico), Petrobras (Brazil), Rubiales (Colombia) te hasta hibando parlamentarianan cu no por distingui nan trabao di control cu amistad, no a yega na nada concreto y awor hasta lo regala Valero un suma di placa. Tur hende cu tin tiki placa di sinti sa cu ora ta ne-

gosha bo mester tin tools nan pa por negosha y cu e otro partido semper ta bai kier mas. Asina ta cu si duna tur tipo di regalo Valero of cualkier otro Refineria lo bai exiho mas, kico e ora? Con ta haci cu nos propio comerciantenan, nan tambe lo haya tur beneficio? Ministro Presidente sr. Mike Eman no a duna ningun garantia pa apertura di Valero ni cu alquier otro compania sino ke blessing pa haci kico kier, hasta desmantelacion. Pues trahadornan por ser confronta cu mayan gobierno por bisa cu dor cu no a logra cu e refineria lo keda of bende y dor di e apoderacion di Parlamento e por cuminsa cu desmantelacion, locual minister no a nenga. Consejo di Raad van Advies tabata fuerte ariba e leynan y e Settlement Agreement. No ta duidelijk con un ley pa apoderacion por carga alavez un Settlement Agreement. Anto pa loke ta trata esaki fraccion di MEP a presenta amienda. Nos ta haya cu dicho Agreement no por ta inlimnita y cu mester garantisa futuro di trahadornan. Tambe Fraccion di MEP ta haya cu e settlement agreement mester ta mara na un temporada y no oneindig mescos cu AVP a yega di introduci AZV anto despues tira tur culpa ariba gobernacion di MEP mientras a crea un monster sin ningun limitacion.

Lastimamente fraccion di AVP y PDR di sr. Andin Bikker a vota pa e apoderacion y cambionan fiscal y e settlement agreement sin cu tin nignun garantia cu trahadornan lo mantene trabao.

Parlamentaria Clarisca Velasquez

E pakico ta importante pa e refineria tey na Aruba

E fin di siman cu a pasa Parlamento a trata e leynan cu mester a bin pa e settlement agreement wordo aproba. Leynan cu mester a pasa pa asina un bentana di oportunidad habri pa futuro pa e refineria aki na Aruba. Nos por a nota un negativismo di parti di e fraccion di MEP den parlamento siendo cu ta e partido aki ta netamente culpabelnan cu Valero a cera na juni aña pasa y asina mes nan a vota contra di e Settlement Agreement votando asina contra bienestar di Aruba! E pakico ta importante pa e refineria keda

Aruba! Cu presencia di refineria aki na Aruba ta haci cu e fuel oil ta keda na un prijs abao paso si e refineria bai Aruba tin cu paga mas placa entre 15 of 20 miyon extra pa fuel oil paso e costo nan di transporte, handling charge y seguro ta bin aserca! Nos economia ta haya un spin off efect di mas di 600 miyon florin y directamente e refineria ta paga na gobierno mas di 100 miyon na impuesto. Aruba ta sufriendo cu e recibonan halto di awa y coriente y esey gobierno ta trahando riba dje pa asina alivia e pueblo di e costonan

halto aki y pesey e fraccion di AVP a vota na fabor di e settlement agreement paso si e bentana di oportunidad habri pa e refineria keda nos tur lo tin beneficio di esaki! Nos economia su spin off efect lo ta hopi grandi y tambe su diversificacion lo ta mas amplio! San Nicolas lo haya un boost economico bek paso awor e situacion ta tristo pariba di brug! E settlement agreement a wordo aproba cu mayoria voto di 13 den parlamento y 6 voto contra cu ta di e miembronan di M.E.P. Sra Lopez-Tromp ni sra Wever-Croes tawata presente y a prefera di ta aus-



ente pa no vota pa e settlement agreement. Pueblo di Aruba por ta sigur cu fraccion di AVP den parlamento lo sigi vota pa leynan cu ta na bienestar di nos pueblo!

Di acuerdo cu comentarionan recibi

E di 10 edicion di Soul Beach Festival tabata esun di mihor di ultimo añanan

DIASABRA como diadomingo, Soul Beach Festival, cu e aña aki pa prome biaha a tuma lugar den Joe Laveist Sportpark, t'esnan mas grandi y di mihor. Tur hende a sali satisfecho, tanto e turistanan Mericano cu a bin p'e ocasion aki, como nos hendenan local.

Hopi di nos hendenan hasta a prepara y a haya permiso pa bende productonan local, cu tambe tabata un éxito y cu hopi di e turistanan a gusta. Pa cual nan a caba masha liher mes.

Diasabra na nos opinion tabatin mas hende cu diadomingo. Diasabra tabatin actuacion di Mary J. Blige, Raheem DeVaughn, y Darien.

Diadomingo tabatin actuacion di Toni Braxton, Joe Thomas y actuacion di Youth Extreme, cu sigur a cay na gusto di tur



presente.

Manera menciona, Soul Beach Festival e biaha aki, sigur tabata un éxito tur afo, y ya caba a ser anuncia cu e proximo Soul Beach Festival lo tuma lugar atrobe na Joe Laveist Sportpark.



Parlamentario drs. Lainya Kemp-Westerhof

Ta felicita San Nicolas pa un tremendo "Soul Beach Festival"

DURANTE fin di siman bastante turista tabata na nos isla pa asina disfruta di tur loke nos isla por ofrece nan y di e Soul Beach Festival. Tin cu menciona cu e tabata un fin di siman bastante druk yena cu actividadnan na unda tur cos

a bay tranquilo y e hendenan a sa di comporta nan mes hopi bon. Pues pa esaki Parlamentario Lainya Kemp-Westerhof ta desea di felicita San Nicolas y henter e pueblo di Aruba, e organisadornan, gobierno di Aruba y specialmente Minister

di Turismo Otmar Oduber pa un tremendo Soul Beach Festival. Un biaha mas PABIEN y danki pa a duna San Nicolas e oportunidad di briya cu un actividad asina positivo y bunita pa e desaroyo turistico di nos isla.





Aruba conoce su ganadornan di e di 9 Competencia di Arte Recicla di AHATA



AHATA Comision di Medio Ambiente por wak atras riba un di 9 Competencia di Obra y Arte Recicla como uno hopi exitoso. Rond di 750 persona a bay wak e competencia na Biblioteca Nacional Oranjestad y San Nicolas y hopi tabata esnan cu a keda impresiona cu e creatividad di e participantenan.

E aña aki 10 skol, 10 hotel/grupo y 14 individual (amateur y profesional) a participa. A traha un total di 245 obra.

E hurado tabata consisti di sres. Astrid Britten, Carl Eduard Fielmich & Sharida Moreno tabata tin un tarea hopi dificil pa por a scoge e ganadornan. Un danki na nan tres pa nan tempo y dedicacion. Den categoria School Prepara-

torio: "Imelda Kleuterschool" a gana e prome, di 2 y di 3 lugar. Den categoria School Basico 1-3: Na prome lugar "Colegio Conrado Coronel", den categoria School Basico 4 - 6: Na prome lugar "Maria School", di 2 lugar: Kukwisa School y na di 3 lugar: Maria School.

Den categoria skol Secundario: Na prome y di dos lugar "Filomena College MAVO", na di 3 lugar: Colegio San Augustin. Den categoria individual (principiante): Na prome y di dos lugar "Antonia Santa Cruz Cardona" y na di 3 lugar: Agnes Leslie. Den categoria profesional: Na prome lugar Edgar "Poppy" Kock y na di 2 lugar: Ephraim R. Britten, Den categoria di Hotel/negoshi/grupo: A sali na

prome lugar "Amsterdam Manor Beach Resort" y na di 2 lugar: Manchebo Beach Resort & Spa y na di 3 lugar: Bucuti Tara Beach Resort.

Un danki tambe na tur miembronan di prensa cu e cobertura n'e competencia y e miembronan di AHATA Comision di Medio Ambiente, pa nan tempo liber dedica n'e evento aki.

AHATA ta pidi tur participante cu ainda no a recoge nan obra di arte pa pasa na Biblioteca San Nicolas prome cu diamars. Na aña 2011 nos ta conta atrobe riba henter nos comunidad pa nan participacion. Masha danki!



Parlamentario Marlon Sneek

Fraccion di MEP Ta confirma cu a laga Aruba na werki!

Pa medio di parlamentario Xiomara Riuz Maduro



MANERA tur hende sa, diasabra 29 di mei pa 9:30 di mainta, staten di Aruba a cuminsa cu e tratamento di e ley cu ta regarda Valero. Un ley cu tabata masha comenta mes, un pa e echo cu e'la tarda pa yega Staten y lo

mas importante, un ley di un enbergadura hopi serio y grandi, pa loke ta e futuro di e refineria aki na Aruba. Lo mas importante ta cu e ley aki lo mester sirbi como garantia pa cupo di trabao pa nos ciudadanonan,

cu tine basta dificil despues cu Valero a manda mas di 2000 hende cas. Un ley pa garantiza, cu Aruba lo haya un cantidad segura na belasting, for di e refineria, garantiza estabilidad y pa crea un estimulo fiscal, pa e tipo di industria aki. Un ley cu a logra keda aproba, te diadumingo den oranan di mainta pa mas o menos 2:40. Despues di mas di 17 ora di debate fraccion di AVP a para un biaha mas na banda di e trahado, na banda di prosperidad pa nos hendenan y nos Isla

Xiomara ta admiti cu MEP a laga Aruba na werki!!!!

Tristo tabata pa mira, con e diferente parlamentarionan di MEP, tabata bin un tras di otro

hustificando e echo cu nan gobierno, esta gabinete Oduber IV a laga un deal di oro bay y awor nan kier bin hunga rol di bon samaritano, awor nan kier bin haci manera cu e trahadonan, lo ta importante pa nan, siendo cu dia 25 di november di aña 2008, ora cu Valero a garantisa e gobierno di e tempo ey, cu nan lo percura pa cupo di trabao, pa 1400 trahado si papia di e 1 miyon dolar, cu nan lo tabata dispuesto pa inverti, den e mesun trahadonan aki. E tempo ey e gobierno di MEP a bira lomba pa e trahadonan, ki berguensa. E tempo ey nan a prefera di para duro, pa nan por haya mas placa pa djodjo y no a bay di acuerdo, cu e deal cu Valero tabata ofrece. E punto

culminante di e reunion, tabata na e momento, cu e experto Parlamentaria Xiomara Riuz Maduro, a trece dilanti of mihor bisa a bin admiti, cu MEP a laga e finanza di pais Aruba, na filingrana. Si e ta bisa, mester ta berdad, no solamente paso su partido tabata goberna, pero paso manera e mes ta bisa, e ta un experto kieren e no ta faya, esaki ta e realidad di bida cu nos pais ta bibando aden, un grupo di hende cu a malogra e pais aki, ainda no kier coopera pa por crea alomenos un clima positivo, pa reapertura di e refineria, y asina crea oportunidad pa 600 trahado, por garantiza nan entrada y cu posibilidad pa habri cupo di trabao pa mas trahado.

Parlamentario mr. Xiomara Ruiz-Maduro (fraccion MEP)

Envidia ta e dolor di cabes cu un hende exitoso ta causa su contrincante

NO ta mi custumber pa reaciona riba ponencianan fofo cu ta ser treci den prensa ora cu contrincantenan politico ta purba haya fama trociendo mi palabranan y cuestionando

mi experticio. Pero de vez en cuando ta bon pa baha na e nivel di pensamiento di mi contrincantenan pa splika nan cu nan no mester compara nan mes cumi pa nan por crece den popularidad. Tin mas caminda cu nan por cana pa purba yega na mi nivel!

Durante di mi disertacion diasabra cu a pasa den reunion di e settlement agreement di Valero, mi persona a trece dilanti, cu ja cu e situacion financiero na Aruba ta desastroso mane e Gobierno aki ta yame, mi ta sugeri pa pone un parti di e suma cu nan lo ricibi di Valero den un fondo special, pa asina por segura cu e empleadonan por cobra nan salario pa algun luna, si acaso Valero sera su portanan.

Scuchando mi palabranan, algun miembro di parlamento y prensa, no a perde pa gana y a troce locual mi a trece dilanti pa asina nan por haci politikeria cune den sala di parlamento y den medio di comunicacion. Mi mester bisa cu esaki ta algo

comprendibel, ja cu bo no por spera di tur persona cu nan por tin e capacidad intelectual pa por participa na un debate den parlamento anto trece argumentonan alcaso dilanti den nan disertacion. Awor pa nan por muestra cu toch nan merece nan salario, hopi di nan ta recurri na tiramento di palabra, hacimento di desorden y trahamento di cara mahos. Algun di nan sa acumula curashi suficiente y ta lanta para hiba palabra, pero lastimamente, casi semper nan unico argumento di debate, ta un palabra troci cu nan a destila di un disertacion di un otro parlamentario. Un tipo di practica cu ta baha e nivel di debate den Parlamento inecesariamente. Algo cu pueblo di Aruba claramente no a vota pe!


Locual si no ta comprendibel y ta tristo pa remarca ta, con un academico por a presta su mes diasabra cu a pasa pa baha asina drastico di nivel pa por hunga politica barata trociendo mi palabranan! Mi ta spera cu no ta su facultad di interpretacion



a wordo influencia di estado ey caba pa esnan cu ta rondone.

Pa termina mi kier a informa Sr. Sneek, kende ta e promer pa dedica un relato pa malinforma pueblo tocante ponencianan dimi persona, cu ta existi un solucion pa su dolor di cabes. Como educador, sr. Sneek sa e caminda cu e tin cu cana pa e por logra yega na e nivel di estudio y experiencia di mi persona. Mi ta acepta cu e caminda no ta uno facil y e cualidadesnan necesario no ta tur hende ta posee, pero si sr. Sneek tin boluntad mi ta premira cu e por logra ainda. Suerte!

Bo Cama ta hasiendo'bo MALO ?



Si bo matras ta mas cu **1 aña** biew, e contesta ta probablemente cu SI !
Bo por ta drumiendo cu miones di dermatophagoides farinae den bo cama
E bestianan aki ta microscopico i ta un miembro chikito di e famia di araña. 'Dermatophagoides' ta bini di Latin i ta nifica 'come cuero'.



Nan ta come nos cuero cu ta cay tur dial
Na unda nan ta come? Riba nos cama.
Ey nos ta pasa casi 1/3 parti di nos bida.
Nan ta laga sushi atrás y después muri den nos matras.
Durante anochi nos ta inhala e stof fini contamina aki.
Resultado? Sintomanan di alergia mainta manera:
nanishi tapa, niestermentu, pecho congestiona, dolor di cabez, sinusitis, wowonan irita, asma etc..
E nomber mas conoci pa e bestianan aki ta:
'Dust Mites' - Acaros de Polvo - Stof Mijten'

Nos ta e compania cu ta hasi matras limpi!
Jama nos. Lo bo keda sorpresa kiko lo sali for di bo matras!

Hygienitech of Aruba N.V.

"Hasiendo paden limpi prome, pa pafor tambe por bira limpi"

Tel: 583-4856 - Cel: 593-3345

Drs. Paul Croes

Aprobacion di e Settlement Agreement necesario y responsabel

Pa garantisar posibel re-apertura y seguridad di cada trahado



DURANTE e reunion publico diasabra ultimo unda a trata e tres diferente leynan di Winstbelasting, Dividendenbelasting en Imputatiebetaling y BBO en conexion cu mehoracion di e clima di inversion pa e refinaria y e terminalnan di petroleo, drs. Paul Croes a trece durante su presentacion e importancia di e settlement entre Valero y Gobierno.

Pa garantisar un posibel reapertura di e refinaria, y garantisar cu cada trahador por keda cu nan empleo na e refinaria, e cambionan haci na e diferente leynan ariba menciona, ta crea un cuadro fiscal caminda cu potencial operador of cumprado lo opera den dje. Dor di crea e clima di inversion sano, e seguridad fiscal y seguridad huridico bo ta amplia e posibilidad

pa re-apertura di e refinaria.

Durante e reunion drs. Paul Croes a muestra riba e diferente motibonan pakico e refinaria ta importante pa nos isla. Banda di e 1) ventaha economico cu e refinaria tin pa nos isla, e ben-

eficianan ta hopi. E ingreso cu e refinaria a genera durante e ultimo añanan ta calcula rond di 650 miyon florin. Esaki calcula na entrada di nos pais completo esta e Producto Nacional Bruto ta rond di 12%.

Croes a menciona durante su presentacion cu mester corda riba e 2) 650 cuponan di trabou y entrada pa hopi famia aki na Aruba.

Banda di e efecto agrega of adicional cu e refinaria tin dus e spin off effect riba e 3) desaroyo di San Nicolas ta sigur algo pa pone enfasis riba dje. E desaroyo economico y comercial di San Nicolas ta depende parcialmento di e re-apertura di e refinaria. Sigur no por lubida e 4) imagen internacional di nos isla, cu tin un refinaria cu lo ta refinando y produciendo cual ta muestra cu

companianan internacional tin confianza den Aruba como pais. Tambe Croes a muestra riba e oportunidadnan cu un refinaria bao di un operacion stabil ta brinda oportunidad nan nos 5) estudiante y hobennan tecnico pero tambe den ramo administrativo, human resources, management pa na momento cu nan termina nan estudio por haya un empleo cu ta paga bon. Considerando e importancia cu e refinaria tin pa nos isla y su impacto economico Croes tabata convenci cu na e momentonan aki e mihor cos pa haci ta duna Gobierno espacio pa sigui negocia cu otro operadornan, pero den un cuadro fiscal mas atractivo. Pesey fraccion di AVP a aproba e leynan pa garantisar e continuacion di refinaria na Aruba.

Aruba a sobresali cu sosten na Global Charter di Alzheimer Disease International (ADI)

FUNDACION Alzheimer Aruba (FAA) ta tuma e oportunidad pa expresa un danki di curason na e comunidad y prensa di Aruba pa e esfuerso y aporte asina grandi na e Alzheimer's Disease Global Charter. Un biaha mas a keda demostra cu Aruba maske con chikito compara cu paisnan grandi na mundo a sa di sostene nan Fundacion Nacional di Alzheimer pa yega na un cantidad grandi di firma riba e lista pa sostene e meta noble pa pone e accion contra e malesa di demencia tipo Alzheimer riba lista di

prioridad di World Health Organization (WHO) durante Asamblea Annual di Salud Mundial cu a tuma luga siman pasa.

E isla di mas chikito y miembro recién (desde Maart 2010) di ADI, Fundacion Alzheimer Aruba a logra 127 firma. Ora compara e cantidad di voto di Aruba cu paisnan grandi manera Hulanda (66), Belgica (57), Sur Africa (111), Francia (11), etc. por conclui cu Aruba a sobresali Internacionalmente. Aruba Pabien!



ADVOCATENKANTOOR
Mr. N.S. Gravenstijn N.V.

ADVOCATEN - ABOGADONAN - LAWYERS

ANUNCIO

Pa medio di esaki abogado Mr. Nancy S. Gravenstijn ta anuncia e apertura di su oficina di abogado nobo entrante 1 di juni 2010

(dilanti di e edificio di corte na playa)

**P.O. Box 5066, J.G.Emanstraat 72,
Oranjestad, Aruba Tel: (297) 588-5858 Fax: (297) 582-4166
E-mail: gravenstijnlaw@setarnet.aw**

Internacional

El Salvador y Venezuela den desacuerdo pa un avenida

E decision di e alcalde di San Salvador pa cambia number di un di e boulevardnan mas importante di capital di e pais a causa disgusto cerca e mission Venezolano na El Salvador.

Alcalde Norman Quijano a causa e polemica despues cu e Consejo Municipal cu e ta presidi a bay di acuerdo pa honra postumamente e ex diplomatico Salvadoreño Arturo Castellanos, e asina yama "Schindler Salvadoreño".

Quijano, ex diputado di Alianza Republicana Nacionalista (Arena), a cambia number di Boulevard Venezuela, cu ta cruza e ciudad aki di pariba te pabao, pa number di e diplomatico cu a salba miles di Europeo Oriental durante Segunda Guerra Mundial.

"Lo ta algo inhusto si Estado Salvador-

eño no reconoce e trabao cu e ciudadano aki a haci pa salba asina hopi hudu durante e Holocausto", Quijano a bisa, ora e'la haci e cambio oficial.

Embajada di Venezuela den e pais a manda un peticion pa Alcaldía di San Salvador pa reconsidera su decision.

"Nos tin relacion su El Salvador, desde 1883, cu firma di e Tratado di Comercio y Navegación, y nos simper tabata solidario cu e pais aki, pa cual motibo nos ta lamenta e decision aki", tabata punto di bista di Wladimir Ruiz Tirado, encargado di negoshi di e mission Venezolano na San Salvador.

Un encuesta realiza pa un corant digital nacional entre 1.240 persona a muestra cu 42% no ta di acuerdo cu e decision di e alcalde. Y 22% a sugeri pa e "busca otro caya".



Ruiz Tirado a bisa cu e'la manda copia di e carta pa Congreso y Cancijería, "sabiendo cu un cambio di decision lo

ta difícil", pero a bisa cu "en todo caso, na El Salvador, tin mas simbolo patrio manera e parke Simón Bolívar".

Derame den Golfo di Mexico por sigui te augustus



Bo VEHICULO Tambe ta un inversión importante, PROTEH'E



BO VEHICULO:

- ☒ Ta un medio di transportación pa ABO y esnan di BO?
- ☒ Ta keda para durante oranan di trabou y vakansi?
- ☒ Tin alarma pero no ta wordu atendí ora cu e zona?
- ☒ Tin gastonan di uso, mantención cu Bo kier controla esakinan?
- ☒ Ta den accidente y no por saca afor kende tin culpa?
- ☒ Como donjo bo ta desea pa BO VEHICULO no wordu horta, dismantela of kima?

Anto.... si un di e preguntanan aki ta afirmativo
ATA.... nos tin e SOLUCION pa protección di bo
VEHICULO of bo FLOTA di VEHICULONAN



JAMA libremente INVEST SECURE TEL : 5827252

"A commitment to the profession"

Tel: (297)-582-7252 Fax: (297)-582-7211 Email: insec@setarnet.aw - www.insecaruba.com

GOBIERNO di Merca y ehecutivonan di BP a adverti cu e derame di petroleo cu ta causa un desaster ambiental na e costa di Golfo di México lo por sigui te augustus, y e compania petrolero ta preparando otro intento pa stop e derame di crudo.

E desastre, cu ayera a cumpli 42 dia, ya ta e derame mas grandi di petroleo den historia di Merca y funcionarionan ta calific'e como e catastrophe ambiental mas grandi cu a yega di afecta e pais aki. Despues di e fracaso di BP den fin di siman den e intento pa tapa e poz, e presidente ehecutivo di BP Plc, Tony Hayward, a bisa cu ta posibel cu e derame lo no wordo deteni sino te aki dos luna.

"No tin duda di cu e solucion final lo ta den e poz di emergencia, cu lo ta clan a augustus", Hayward a declara mientras e



tabata recore e centro di pesca Venice, Luisiana, cu e derame a laga plat pa gran parti.

Mientras tanto, Hayward a bisa cu BP mester "haya un manera di contencion submarino, contencion na superficie, y defender e costa hopi agresivamente". Na e momento aki BP ta preparando un tapa pa pone riba un mecanismo di prevencion di explosion daña cu ta riba e poz,

na 1,6 kilometer bao superficie. Si esaki funciona - y BP ta spera pa sa esaki e siman aki - e ora al menos parte di e petroleo lo por wordo conduci via un tubería pa superficie.

Pero incluso gobierno di presidente Barack Obama, cu ta wordo hopi critica pa su tardanza pa haci algo, ta preparando pa augustus y e solucion di e poz di emergencia.

Mundo ta condena atake di Israel riba flota humanitario

NACIONNAN Uni (ONU) a mustra sorpresa pa e perdida di bida humano durante e atake militar Israeli ayera marduga contra un flota di seis barco cu tabata transporta ayudo pa teritorio palestino di Gaza.

Pa medio di un mensahe, ONU a urgi Israel pa no tuma medidanan cu por pone bida di civilnan na peliger. "Nos kier pone bon cla cu tragedianan manera esaki ta totalmente evitabel si Israel haci caso di e continuo yamadanan di comunidad internacional pa pone fin na su blokeo contraproducente y inacceptabel di Gaza", tabata e declaracion conhunto di Robert Serry, Coordinador Special pa Nacionnan Uni di e Proceso di Paz na Oriente Cercano y Filippo Grandi, e Comisario General di Nacionnan Uni di Ayudo y Obra Publico.

Cas Blanco a laga sa cu Merca ta "lamenta profundamente e perdida di bida y e lesionnan sufri y ta tratando di compronde e circunstancianan rond di e tragedia aki". Cancierya Britanico a bisa cu nan ta buscando "un aclaracion urgente" riba e incidente, mientras cu Ministerio di Relacionnan Exterior a convoca e embahador Sueco di



Israel, segun un vocero.

Ex prome ministro Tony Blair, delegado na Medio Oriente y miembro di e Cuarteto pa Oriente Cercano, a expresa profundo tristeza y consternacion pa e tragico perdida di bida.

Tin, obviamente, mester tin un investigacion completo di loke a pasa. Un biaha mas mi ta ripiti mi opinion di cu nos mester un manera diferente y mihor pa yuda e poblacion di Gaza y evita dificultad y tragedia cu ta inherente na e situacion actual", Blair a agrega.

Grecia y Francia ta entre e nacionnan cu a yama nan embahador Israeli pa exige un informe riba seguridad di e pasaheronan a bordo di e flota.

Despues di e reunion, Ministerio di Relacionnan Exterior Griego a laga sa cu e bishita di e Estado Mayor Conhunto Israeli – cu tabata previsto pa awe – a wordo aplaza, y cu e ehercicio militar Griego-Israeli cu tabata progresando a wordo cancela.

Protestanan a sigui ayera dilanti embahada di Israel na Istanbul, caminda polis mester a haci uso di cañon di awa pa tene e manifestantenan bao control.

Libano tambe a condena e atake energicamente y a haci un yamada na comunidad internacional, y especificamente na e paisnan cu supuestamente ta responsabel pa e proceso di paz, pa tuma accion pa pon fin na e violacion continuo di derechonan humano.

Netanyahu ta cancela su viahe pa Merca



OPENBARE AANBESTEDING

Het Land Aruba is voornemens in het openbaar aan te besteden het volgende door Fondo Desaroyo Aruba (FDA) te financieren project:

Het project: "Levering en installatie van ICT middelen voor de Onderwijswerkplaats van het Instituto Pedagogico Arubano (IPA)" volgens bijbehorend bestek.

Korte omschrijving van het werk: De levering en installatie van ICT middelen voor de Onderwijswerkplaats van het IPA, omvattende de bibliotheek/mediatheek, de docentenwerkplaats, de 'classroom of tomorrow' en de multifunctionele ruimte.

Uitvoeringstermijn: 3 maanden na datum van aanvang

De TOR is vanaf **woensdag 2 juni 2010** verkrijgbaar bij de receptie van het Instituto Pedagogico Arubano (IPA) tegen betaling van **Af1.50, -**. De betaling dient contant te worden voldaan bij IPA.

Inlichtingen worden verstrekt op **vrijdag 11 juni 2010 om 10:00u a.m.** bij het Instituto Pedagogico Arubano te Isaac Wagemakerstraat 11.

De Nota van Inlichtingen is vanaf woensdag **16 juni 2010** beschikbaar voor geïnteresseerden.

De openbare aanbesteding vindt plaats op **woensdag 7 juli 2010 om 10:00u a.m.** uur bij Instituto Pedagogico Arubano te Isaac Wagemakerstraat 11.

Bij dit project zijn de UAR 1986 en UAV 1989 van toepassing. De directievoering is in handen van het Instituto Pedagogico Arubano (IPA). De gestanddoeningstermijn is **90 dagen**.

De inschrijver moet bij zijn inschrijving de volgende documenten overleggen:

1. Bewijs van inschrijving bij de Kamer van Koophandel van Aruba (niet ouder dan 6 maanden);
2. Bereidheidverklaring tot het afgeven van een bankgarantie van een lokale bank;
3. Verklaring van de Ontvanger der Belastingen betreffende nakoming fiscale verplichtingen;
4. Andere vereisten zoals vastgelegd in de TOR.

De inschrijving dient te geschieden op het bij de TOR gevoegde en gewaarmerkte inschrijvingsformulier.



PROME ministro Israelí, Benjamin Netanyahu, a dicidi di anula su viahe pa Merca y corta su estadia na Canada pa bay bek Israel ayera noch, segun un fuente oficial Israeli cu a pidi pa keda anonimo.

Netanyahu "no ta bay Washington", e fuente a bisa. "E prome ministro a dicidi di corta su bishita na Canada y adelanta su regreso pa Israel", un comunicado di su oficina a laga sa prome cu esey.

Segun su agenda inicial, Netanyahu mester a reuni awe na Cas Blanco cu e presidente Mericano Barack Obama.

Den un comunicado, Cas Blanco a bisa cu "Merca ta lamenta profundamente e perdida di bida humano y cu tin herido y ta trahando pa aclarea e circunstancianan di e tragedia aki".

Segun radio publico Israelí, Netanyahu a haci hopi consulta prome cu e la dicidi pa bolbe Israel pa ocupa su mes cu e crisis cu a wordo causa pa e atake sangriento di comandonan di armada Israelí contra un flota humanitario cu tabata na caminda pa Gaza.

Santos ta convoca coalicion Colombia cu mensahe pa opositornan clave

E candidato oficialista Juan Manuel Santos, cu a gana e eleccion presidencial di Colombia ampliamente diadomingo ultimo, a convoca un gran coalicion di Gobierno cu bista riba e did is buelta, cu e lo enfrenta cu e líder di Partido Verde, Antanas Mockus.

Bogotá - Santos a lanza un rama di olijfi pa su opositornan nacional y stranhero y a reitera su yamada pa union nacional pa derota terrorismo, pobreza y desempleo.

Santos a haya 46,56 por ciento di voto, cu ta 6,75 miyon voto, compara cu 21,5 por ciento di Mockus, equivalente na 3,12 miyon voto.

E partidonan derechista Conservador y Cambio Radical, cu hunto a haya casi 17 por ciento di voto, a apoya e proposicionnan di cu cual e actual presidente Alvaro Uribe a enfrenta e guerrilla izquierdista. Y Santos a haci un yamada pa nan uni cune.

"Tanto Partido Conservador como Cambio Radical ta aliad-

onan leal di seguridad democratico, di e programanan di presidente Alvaro Uribe y mi ta spera esey din an tambe cu mi Gobierno", Santos a bisa un multitud cu tabata cune den un hotel di e capital Colombiano. E partidonan ey tambe a respalda e maneho di mercado liber di Uribe cu a atrae inversion priva nacional y stranhero. "Awe mi ta haci un yamada pa union nacional, e union cu lo mi promove y pone den practica durante mi Gobierno, sin distincion di partido of persona", e'la bisa.

"Mi Gobierno lo ta un Gobierno di inclusion, e lo ta un Gobierno di tur colombiano", e'la insisti. Santos a bisa cu e no ta considera ningun hende como enemigo den e pais ni den algun Gobierno di exterior, den un referencia na presidente Hugo Chávez, cu a considera Santos un "menaza" pa e region.

"Mi no tin, tende bon, mi no tin enemigo den politica nacional ni den ningun Gobierno stranhero", Santos a bisa.



"Nos enemigonan ta comun y nos por enfrenta y derota nan si nos obra uni", e'la bisa.

E candidato tin un caso pendiente cu husticia di Ecuador, caminda na mart 2008 e lider di FARC, Raul Reyes, a muri den

un atake di Forzanan Militar Colombiano. Santos e tempo ey tabata ministro di Defensa. E atake a cuasa kibramento di relacion diplomaticos entre Ecuador y Colombia, cu te ainda ta den proceso di normaliza.

AWE
Mainta
noticia@awemainta.com
Tel: 583-1400
Fax: 583-1444

FOR SALE – AWG. 675,- 2ND HAND DELL COMPUTER

- Pentium 4
- 2.8 GHz
- 512 MB Memory
- 40 GB Hard drive
- Completely re-installed with Windows XP, Office 2007, Antivirus & all required updates.
- Inclusive of 15" CRT screen, keyboard and mouse.

FOR SALE – AWG. 825,- 2ND HAND DELL COMPUTER

- Pentium 4
- 2.8 GHz
- 1 GB Memory
- 80 GB Hard drive
- Completely re-installed with Windows XP, Office 2007, Antivirus & all required updates.
- Inclusive of 15" CRT screen, keyboard and mouse.

Interested, please call Sue Winklaar at 583-1400.



ANUNCIO

SETAR ta informa cu debi na trabounan riba e kabel submarino cu ta connecta Aruba cu e red internacional di internet, servicio lo por wordo afecta

**diaranzon dia 2 di Juni 2010
entre 1'or pa 3'or di marduga**

SETAR ta pidi tur usarionan di Internet pa tene cuenta cu esaki pa evita cualkier inconveniencia.

Comando israeli ta asalta flota humanitario: 10 morto

AYERA merduga comando naval Israeli a aborda un flota di barco cu tabata hiba ayudo humanitario y cientos di activista propalestino pa Franha di Gaza y a mata por lo menos 10 pasahero den un operativo cu a causa condena internacional y un crisis diplomatico.

Israel a laga sa cu cu su militarnan a topa cu un resistencia inespera ora nan a aborda e barconan den awa internacional, na como 130 kilometer di e costa di Gaza. Decena di pasahero y por lo menos cinco soldad Israeli a resulta herida.

E operative a wordo condena den henter Europa, ya cu hopi di e pasaheronan tabata Europeo. A atake a afecta e relacion ya tenso cu Turkia, e aliado musulman di e israelinan cu a organiza e mision extraoficialmente y a causa mas atencion pa e sufrimento di e

1,5 milyon habitantenan di Gaza. Turkia a anuncia di lo retira su embahador di Israel, y cancela tres ehercicio militar conjunto y pidi un sesion di emergencia di Consejo di Seguridad di Nacionnan Uni. E embahadornan Israeli na Spaña, Suecia, Dinamarca y Grecia a wordo convoca pa reuni cu e gobiernonan local y e canciyer Frances a pidi un investigacion.

E violento abordahe tambe e menaza di bira otro mancha den e imagen di Israel, cu ya ta afecta pa e denuncia cu nan a comete crimen di guera na Gaza y pa nan blokeo di e territorio Palestino. E presidente Frances Nicolás Sarkozy a condena "e uzo di forza" contra e flota y a pidi pa aclarea e circunstancianan di e incidente. E ministro di Defensa Israeli Ehud Barak a bisa di ta lamenta e mor-

tonan pero a culpa e organizadornan di e flota pa e violencia, bisando cu e flota tabata "un provocacion politico" di forzanan anti-israeli.

Forzanan di seguridad Israeli tabata riba un alerta den henter e pais y gobierno a recomenda e poblacion pa evita viahenan pa Turkia.

Cada banda a duna versionnan distinto di loke a pasa.

Un periodista di canal Al Yazira den un di e botonan a bisa cu e israelinan a tira riba e barco prome cu nan a aborda esaki y a herida e capitan.

E israelinan ta bisa cu nan a cuminsa tira solamente ora nan a cuminsa wordo ataca pa e activistanan cu palo, cuchiu y tiro di arma cu nan a kita di e comandonan. Israel a declara cu nan no ta permiti pa e barconan yega Gaza y a ofrece pa transferi



e ayuda via di un puerto Israeli, despues di un inspeccion di seguridad.

"Bordo di e barco nos a haya arma prepara pa usa contra nos cuerponan", e vicecanciyer Israeli Danny Ayalon a bisa.

"E intención di e organizadornan tabata violento, nan metodo tabata violento y e resultadonan

lamentablemente tabata violento. Israel ta lamenta e perdida di bida y a haci tur cos posibel pa evita e resultado aki", e'la bisa.

E presidente Palestino Mahmud Abbas a condena e "agresión" Israeli, a declara tres dia di luto na Cisjordania y a pidi sesionnan di emergencia di Consejo di Seguridad y di Liga Arabe.

Homber aresta na Canada despues cu avion di Aeromexico a desvia

UN homber a bordo di un vuelo di Aeroméxico, cu tabata viaha di París pa Mexico City, a wordo aresta despues cu e avion a desvia pa Montreal, ya cu Merca a nenga acceso den su espacio aereo, segun un funcionario.

Autoridadnan Mericano a nenga entrada di e avion despues cu esaki a raporta cu e sospechoso, di ken nan no a bisa su number, tin un orden di captura pendiente den su contra.

E homber a wordo baha di e avion na aeropuerto internacional Pierre Elliott Trudeau y despues aresta, segun Lauren Gaches, un vocero di e agencia di Maneho di Seguridad di Transporte.

E otro pasaheronan di vuelo 006 di Aeroméxico, cu a aborda na aeropuerto Charles De

Gaulle, por a subi e avion atrobe despues di pasa den nuebe control di seguridad, Gaches a laga sa.

Segun su maneho, e agencia Mericano no ta confirma ni nenga cu un persona ta riba e lista di personanan cu no por viaha pa Merca.

"E derecho di Merca pa nenga entrada den su territorio na cualkier vuelo cu den su opinion ta representa un menaza pa su seguridad, ta wordo reconoci pa hopi pais y ta consistente cu acuerdonan internacional", Gaches a bisa.

Marie-Claude Desgagnés, funcionario di e aeropuerto di Montreal, a bisa cu e avion por a lanta vuelo poco despues di 10'or di anochi. Tabata wordo spera pa e yega Mexico City



banda di 3'or di marduga.

Un vocero di e Servicionan di Frontera di Canada, Dominique McNeely, a bisa cu no tabatin

ningun irregularidad durante e vuelo. E'la agrega cu agentenan di seguridad a aborda e avion band'i 2'or y mey di atardi y a

aresta e sospechoso.

"Ora e vuelo a baha tur hende a coopera exclentemente", e'la bisa.

Publico grandi a bay haci movecion pa ta den condicion

Ciclovía II na Noord tabata un exito rotundo

Ciclovía III lo ta den pueblo di Dakota



ALGUN mil hende a haña caminda pa Ciclovía II cu a tuma lugar den e pueblo di Noord. E evento aki a tuma lugar simultaneamente cu apertura di Olimpiada Escolar. Ambos evento a concentra na Compleho Deportivo Frans Figaroa na Noord diadomingo den oranan di atardi.

Un cantidad di grupo a participa n'e evento grandi aki, manera Aruba Skim Board, BMX, Ciclismo AWB, ERBA, Futbol,





Judo, Pachanga, Tae-kwondo, Tang So Doo, Ultimate Challenge, Weight Lifting, Zumba, Fundacion Respetami, Grupo Scout, Grupo Bini Bini, Grupo Uni, SVB y Wit Gele Kruis tabatey pa duna informacion, demostracion y a contes-

ta pregunta di e publico. Minister dr. Richard Visser a gradici tur esnan cu di un of otro forma a haci e evento aki posibel y ta invita publico di awor caba pa Ciclovía III cu ta tuma lugar durante luna di juni den e pueblo di Dakota.



Chris Dammers, Parlamentario di AVP

Valero Settlement a keda aproba

Mientras incapacidad y falta di vision ta persigui fraccion di MEP



DEN un reunion maratónico cu a cuminsa diasabra pa 9'or di mainta y a caba diadomingo marduga pa 2:30 parlamento di Aruba a aproba e cuadronan necesario pa Gabinete Mike Eman I por sigui traha cu Valero

pa un posibel re-apertura di e refineria di petroleo aki na Aruba. Ta bon conosi cu Gabinete Oduber tabata goberna na momento di siere di tur e 4 companianan cu tabata doño di e refineria esta: LAGO, Coastal, El Paso y awor Valero. Hecho ta cu e problema di incapacidad, vision of por ta ignorancia of falta di boluntad ta persigui e gobiernonan di signatura di MEP pa guia proyectonan grandi. E dicho "Laga decisionan grandi pa partido grandi" usa pa e mesun dirigente di partido MEP awe ta resulta di ta simplemente palabranan y no hecho. Cu e pasamento di e tres leyman den Parlamento pais Aruba a crea un espacio amplio pa facilita operacion di un refineria manera esun di Valero pa por competi ariba mercado internacional. Ya tur hende sa cu Valero no ta produci productonan final manera jet fuel, gasoline, etc. Loke por wordo produci akinan ta productonan di transito pa sigui pa otro refinarianan por produci e producto final. Tur esaki ta costa Valero double placa y energia. Bo mester transporta e producto aki dos

biaha y bo mester keinta esaki tambe dos biaha pa bo por traha cune. Valero desde su entrada na februari 2004 no a pidi nada mas pa haña un partner den Aruba caminda cu nan por traha den un atmosfera estable pa un periodo largo. Esaki tambe a wordo priminti door di e Prome Minister na 2004, esta Sr. Nelson Oduber. E atmosfera aki ta ensera e regimen fiscal den cual nan a cumpra e refineria e tempo ey esta manteniendo e tax holiday aplicabel cu e compania anterior tabatin te cu 31 di december 2010. No a tarda mucho cu Sr. Bill Greehey, President/CEO di Valero, tambe a keda confronta cu e mentiranan di Sr. Oduber. Mescos cu pueblo di Aruba, e compania Valero tambe a haña e BBO hinca den nan stoma di anochi pa mainta. Mescos cu Presidente Chavez di Venezuela a laga sa, dirigiendo su mes na Nacionnan Uni, un dia despues cu Presidente Obama, cu ey tabata hole "asufre" y cu un diablo tababa ey den, Sr di Greehey a bisa den un reunion publico di parlamento – durante gobernacion di MEP – cu: "Your Prime

Minister (Sr. Nelson Oduber) has a problem in saying the truth". No tabatin ningun parlamentario di MEP cu a lanta para e dia ey pa defende nan prome minister.

Valero a haci den pasado ya dos oferta caminda cu na 23 di november 2008 a subraya nan oferta haci na 2007 na Gabinete Oduber IV. Den bida hopi biaha nos no ta haña locual nos merece si no locual bo negocia y bo mester haci bon uso di oportunidadnan cu presenta. Valero premirando e problemanan cu mundo lo a bai encontra su mes aden, cu e scarsedad di crudo y e subimento di prijs, a aserca gobierno di Aruba pa crea un atmosfera caminda cu nan lo por opera eficiente y na unda cu pais Aruba ta keda garantisa di sierto sumanan.

Den un pais caminda cu tin democracia un parti di pueblo grandi tambe a cuminsa analisa y mira locual ta pasando rond di nan caminda mas cu 3000 hende lo mester a perde nan trabou pa motibo di incapacidad y hamber pa placa di e Gabinete Oduber. Nan ignorancia a wordo nenga pa pueblo y nan

a wordo manda cas pa bai sinta y laga cos grandi pa un partido grandi cu si tin un vision a largo plaso, cu si tin e capacidad y e determinacion "to make things happen". Prome Minister, Sr. Mike Eman y Minister di Finanzas y Utilidades, Sr. Mike de Meza, a keda constantemente den contacto cu alto funcionarionan di Valero desde nan entrada den gobierno, na unda cu un Memorandum of Understanding a wordu firma 20 di januari 2010 sigi pa un Settlement Agreement na 24 di februari 2010. E acuerdonan aki no a keda na palabra pero nan a wordo concretisa den leyman cu a keda aproba dor di Parlamento di Aruba diadomingo 30 mei 2010 madrugada. Pa straño cu e por zona, e mesun dignatarioman cu a rechaza e acuerdonan nan 2007 y na 2008 a bolbe vota contra Valero, Aruba y e pueblo di San Nicolaas. No ta faltami nada mas pa desea Gabinete Eman tur clase di exito pa e negociacion cu mester pa tuma lugar ainda pa un posibel re-apertura di e refinaderia awor cu a crea espacio maximo pa negocia.

Parlamentario mr. Xiomara Ruiz-Maduro (fraccion MEP):

Gobierno ta beneficia Valero y ta negligisha empleadonan

DIASABRA ultimo Parlamento a duna Gobierno apoderacion pa por seya e acuerdo, e settlement agreement, cu Gobierno a negocia na principio di e aña aki cu Valero. Den e deal aki, Gobierno di Aruba a bay di acuerdo pa duna Valero un cantidad di beneficio fiscal. Manera Minister President Eman a expresa na un manera masha bunita: "e beneficioman aki ta pa drecha e clima di inversion y pa crea espacio pa Valero."

Una ves bo pasa den e contenido di e deal aki, bo ta ripara cu e beneficioman na favor di e empleadonan di Valero ta briya cu

nan ausencia! Gobierno no a negocia nada pero net net nada pa e empleadonan di Valero! Tanto cu Gobierno a priminti cu nan lo sali na vanguardia di e empleadonan di Valero, awe nos por constata cu den e deal aki, solamente tres zin ta referi na e empleadonan di e refineria!

Den e deal bo por lesa cu e unico garantia cu Gobierno a negosha cu Valero ta, pa no kita niun di e 600 empleadonan promer cu 1 di juni 2010. Pa locual ta trata 2 di juni en adelante, Gobierno no a sa di negosha nada y pues no tin niun garantia pa e em-

pleadonan cu nan lo keda cu nan trabao!

Durante e reunion nos fraccion a entrega un mocion na unda nos a urgi Gobierno pa pone un suma di e placa cu Valero debe nos den un fondo special pa asina crea un espacio financiero di unda por paga e empleadonan di Valero pa por lo menos algun luna, si acaso Valero mester stop di opera. Lastimamente e fraccion di AVP no a bay di acuerdo cu e mocion aki y mescos cu Gobierno, ta prefera di duna beneficio na Valero y negligisha interes di e empleadonan!



Xpresa bo mes

noticia@awemainta.com

Tur comunicado o remetido cu ser manda pa AWEMainta mester inclui nomber, fam y number di telefon di e remitente.
AWEMainta ta keda cu e derecho reduci of edita esakinan pa publicacion.

Taxistanan ta reacciona riba declaracion di director di Arubus

TA berdad cu nos a scirbi cu Arubus YA a firma contract cu Renaissance y cu esaki NO ta un hecho ainda pero ki diferencia esaki tin contra bo mes un declaracion cu lo bay firma e siman aki ainda? Kiko ta diferencia si e pasa AWE of otro SIMAN e issue ta e firmamento

y si e ta justifica si of no.

Tambe ta berdad cu taxista nan PRECUPACION no ta problema di Arubus. Si Arubus NO tabata financia cu 4 mion florin lo bo tabatin razon, pero SI, e ta bira un problema si parti di nos contribucion na belasting tin cu FINANCIA Arubus pa e competi

cu nos mes, pa e kita nos mes un pan. Esaki ta un competencia injusto y inacceptabel y ta toka e principio di UNFAIR COMPETITION.

Bo ta bisa cu boso a hacie caba den pasado sin ningun problema, pero HELLO, WAKE UP,

SMELL THE COFFEE esey tabata anja 1992, diesocho(18) anja pasa na unda NO tabata tin 334 T-vergunning, NO tabata tin 296 O-vergunning, NO tabata tin 6000 V-car NO tabata tin 3 Mall cu 21 Restaurant y 11 Club, tur den WALKING distance di tur High

Rise hotelnan – USA COMMON SENSE - Mr. Kuiperi.

Tambe ta correcto bo version cu: "Arubus POR transporta hende(passajero) for di varios distrito pa Playa y pa unda cu ta" pero den e mes un rosea bo ta confirma cu e subsidie di 4 mion ta pa core rutanen NO rendabel den distritonan di Aruba pa transporta PUBLICO LOCAL. Ta esaki tabata e DOELSTELLING di a lanta un Arubus toch y NO pa transporta TURISTA perjudicando 400 Tata y Mama di famia

Cu otro palabra nos ta financia e Turista pa e por duna un of mas ENTIDAD PRIVA di gana, perjudicando 400 trajado local, ta esaki tabata e bedoeling di gobierno pa lanta un Arubus? Ta esaki ta e beleid di un Director di un "gesubsidieerd Overheidsbedrijf"?

E version di Minister Otmar Oduber cu e turistanan aki MESTER paga un minimum di Fls 6.50 pa cabez NO por ta correcto nunca ya si ta asina anto ta sali nan MUCHO mas barata di usa Taxi ya cu Taxi por hiba 4/5 turista pa un solo tarifa vast di \$11, = (Fls 19,25) terwijl cu Arubus lo sali nan 5 X 6.50 = Fls 32.50. Esaki hamas ta atractivo ni factibel pa Renaissance Mall.

E ponencia cu e turista lo regresa hotel cu Taxi of Autobus ta wishfull thinking ya cu si el a bin downtown GRATIS e NO ta bai paga \$11, = pa regresa si e por paga Fls 2.50 cu e mesun Arubus

E ponencia di Minister ta splica bon cla cu NO por stop Arubus di haci negoshi pero NO na e prijs financia di Fls 2.50 (locual nan ta haciendo caba) SINO na e prijs NO SUBSIDIA di FLS 6.50 pa cabez

Effy Tromp – Representante Taxista



Comunicado en conexion cu e black-out di diabierna ultimo.

Diabierna ultimo, dia 28 di mei, alrededor di 6'or di atardi, na diferente parti di Aruba a sinti un dip basta fuerte den suministro di coriente. Despues di esaki coriente a cuminsa bai na diferente bario riba nos isla, pa despues resulta den un blackout completo. WEB a notifica nos cu tawatin un explosion den un di nan transformadornan. E detayenan di e incidente aki ainda no ta conoci pa nos.

Pa 8:00'or pm a cuminsa restablece e suministro di coriente na diferente partinan di Aruba. E prome partinan cu a hanja tabata e area di Dakota y vecindario (un parti), Aeropuerto, Paradera (un parti) y tambe gran parti di e area di High Rise hotels. Alrededor di 9:00'or pm a sigui cu e restonan di e High Rise hotelnan y un parti di e Low Rise Hotels, Rooi Santo, Tierra del Sol, Malmok y Palm Beach.

Pa mas of menos 11:00'or pm: e areanan di Bushiri, Pos Abao, Punta Brabo, Seroe Blanco, Cumana, Pavilla, Meiveld, Ponton, Playa (gran parti) y e otro parti di Low Rise Hotels, Sabana Blanco, Seroe Biento, Piedra Plat (un parti).

Pa 12:00'or di anochi a sigui cu San Nicolas completo te cu Savaneta (un parti). Alrededor di 1:00'or di marduga e areanan di Shaba, Boegoeroei, Kudawecha, Santa Cruz (un parti, Seroe Pita te cu Matividiri y Siribana te cu Sabanilla Abou.

Finalmente banda di 3:00'or am Aruba completo a hanja coriente bek cu ta Playa, Tanki Leendert, Moko, Calabas, Papaya, Jaburibari y vecindario. Sabana Berde, Wayaca, Santa Martha y vecindario, Dakota, Wilhelminastraat y vecindario, Barcadera, Pos Chiquito bai ariba te cu Savaneta, Balashi via Sta. Cruz te Matividiri, Cas Ariba y Jamanota y vecindario.

Gerencia di N.V. ELMAR kier a gradici tur su techniconan pa e trabou sublime cu nan a haci pa restablece e suministro di coriente na su clientenan y tambe na W.E.B. Aruba N.V. pa e bon cooperacion di custumber cu tin entre e dos companianan. Na un manera coordina y structura hunto a traha di comienso te final pa por a suministra coriente na nos clientenan, segun cu W.E.B. Aruba N.V. tabata restablece e capacidad di produccion di coriente.

Tambe Gerencia di N.V. ELMAR ta pidi su disculpa na su clientenan pa e inconveniencia cu e interrupcion den suministro di coriente aki a ocasiona.

Gerencia di N.V. ELMAR

Oranjestad, 31 mei 2010.

Un dia farandulero na Aruba 75 aña pasa

Pa: Ramsay Acosta



Gardel na Aruba

AWENDIA debi na nos industria di turismo nos por aprecia aki hopi show di artista internacional cu na hopi parti di mundo of ciudad cu hopi mas habitante cu Aruba no ta yega.

Tin hiaha nos ta puntra nos mes si e fenomeo aki ta semper ta asina of ta algo di ultimo decanan. Un hecho farandulero cu sigur a marca historia y a keda graba den memoria di hopi di nos grandinan ta e bishita di e astro di tango Argentino Carlos Gardel. Tambe algo cu Carlos Gardel a haci pa promer biaha den su bida na Aruba a cambia rumbo di su bida na un manera dramático y kizas di e musica di tango pa semper. Carlos Gardel a nace como yiu

no reconoci y a wordo bautiza cu nomber Charles Romuald Gardes probablemente na Toulouse, Francia na 11 di december 1887. Mester bisa si cu e tawata tin un otro partida di nacemento cu ta indica 1890 na Uruguay, probablemente esun di Uruguay ta falsifica pa asina e evita di wordo yama pa sirbi den ehército Frances durante prome Guerra Mundial. Carlos mes ta bisa semper cu e'la nace na Buenos Aires, Argentina na edad di 2 aña y mei y asina evadi e discusion ey!

Gardel su bida artistico a cuminsa na 1910 y te awe ta wordo considera como e creador di musica di tango na 1917 cu e vocalisacion di e cantica Pascual Cuntursi y

Samuel patriota "Mi noche Triste" e disco aki a bende 100.000 exemplar cu pa e epoca ey tawata un éxito tremendo; e tawata un hit den ful Latino America. Na aña 1928 Gardel a bende 70.000 disco den 3 luna na Paris! Tambe Gardel a graba diferente cancion di tango cu a bira inmortal manera "mi Buenos Aires Querido, Cuesta abajo, Amores de estudiante, Volver y El día que me Quieras. Pa evita confucion mester distingui e Volver Tango cu e famoso refran "20 años no es nada" y e Volver ranchera cu su refran "y volver volver volver

Tambe Carlos Gardel a actua den diferente cine filma na Paris, Hollywood y New York p.e. El día que me quieras y Tango bar. Mester tene cuenta cu den e epoca aki no tawata tin casi telefon, ni internet, ni fax ni television. Audio tawata wordo graba e tempo ey ariba disco di 78, 45 of 33 rpm y esakinan tawata wordo toca riba vitrola (toca disco) tambe disco y vitrola tawata hopi caro no ta tur hende por a compra uno. Radio difucion e tempo ey tawata masha poco, Aruba no tawata tin radio ya cu te 20 anja despues na 1954 Radio Kelkboom a cuminsa su transmision.

E tempo nan aya Aruba tawata scucha radio di Venezuela (desde 1926 tin radio, Radio Caracas), di Corsow, Cuba y Santo Domingo. Mester apunta cu e tempo ey ainda tecnologia di "transistor" no a wordo inventa y e radionan ta traha cu "tube" cu mester keita promer cu e radio por traha.

Propaganda of otro noticia importante tawata wordo haci door di core cu auto cu speaker (bosina) ariba nan den pueblo pa anuncia un ke otro.

Carlos Gardel yega Aruba procedente di Maracaibo cu barco dia 28 di mei 1935 y a haci un recorrido den cayanan di Oranjestad. Un multitud bastande grandi di hende a bay pa salud. Tambe e'la hospeda na un Hotel situa na Wilhelminastraat # 67 cu ta yama "Hotel Palacio" e hotel tawata pertenece na Boy Debrot. Debrot tawata un comerciante grandi e tempo ey. Hotel Palacio tabata keda dilanti di caminda awendia tin e famoso restaurant Argentino "El Gaucho". Pa bai sigui su gira na Corsow Carlos Gardel a dicidi di tuma un avion, esaki a haci cu Carlos Gardel pa promer biaha den su bida a viaha cu avion riba e ruta Aruba-Curacao. Carlos a bai den e Fokker tri-moter "Snip" cu algun luna anterior a habri e ruta aki pa KLM. E motibo cu Carlos no a bula nunca den avion ta pasobra e tawata tin hopi miedo di avion por bisa te hasta panico di bula cu avion. Lamentable su panico tawata su proteccion.

Cu Gardel musica popular a drenta Aruba, ya cu anteriormente Aruba su musica tawata wordo domina pa musica folklore clasico manera waltz, mazurca, polka cu a wordo treci dor di e promer habitantenan di continente bieu y despues a sigui nace tumba y tambu di influencia Afro-Indio Caribense. Tango tawata un musica y baile hopi mas sensual cu Aruba tawata conoce pero e la

bira un sensacion. Hopi hende na Aruba a cuminsa canta tango y tambe cana cu e sombre "a medio lado" (di un banda) manera Gardel tambe, te hasta sombre a caba den tur tienda na Aruba e tempo ey. Agrupacionan di joven a lanta, uno hopi popular tawata "Los Trobadores Tropicales" cu integrantenan manera (si mi ta informa bon) Clemente Lacle, Shon Fi Booi, Sjemí Coronel Jan Croes (di SN) y Harold Hopman. Tambe Tali Lopez tawata canta tango mescos Gardel. Gardel a duna su presentacion den Teatro Gloria cu tawata situa den Steenweg, tambe un bar a haya nomber di "Tango Bar" e tawata situa unda awor ta Masifral. Tango a keda popular te fin di anjanan '40 na Aruba. Despues musica ranchera a bira popular

Di Corsow Gardel a bai cu barco Barraquilla pa sigui cu su gira den Colombia, despues e'la bai Bogotá cu avion y di eynan pa sigui su viahe e avion a bay di transito Medellín saliendo di Medellín dia 24 di Juni 1935 e avion "Ford F 31 tri-moter" a slip bai dal den un otro avion riba pista di aterizaje. Gardel a muri carboniza hunto cu un gran parti di su acompañantenan y e leyenda di Tango a nace.

Mi ta gradici Frans Croes (92) cu a dunami algun informacion como un persona cu tawata presente na e show di Gardel 75 aña pasa como hoben di 17 aña.

Si mi por a lubida of bruha algun hende of hecho mi disculpa. Importante ta pa nos historia no bai perdi!

Alwen Biesum cu licencia di piloto priva



DESPUES di un estudio intenso na Miami, Florida, Alwen

Biesum a regresa Aruba cu su licencia di piloto priva den man.



Bira un piloto desde chikito tabata un sueño di Alwen y awe

cu apenas 19 aña di edad e'la logra haci su sueño realidad. Na november 2009 Alwen a sigui groundschool di Aruba Flying Club, bao guia di Djurre Vrieswijk y na maart 2010 e'la continua y termina su studio di piloto priva na Phoenix Express, na Florida. Mas cu claro henter famia Biesum y Schoop ta hopi contento cu su logro. Na su yegada na aeropuerto

su mayornan orguyoso, famia y conocir a sa di bay ricibi'e y felicita'e cu su titulo di piloto priva y hunto celebra pa e ocasion grandi aki, cu ta e prome paso pa continua y sigui avansa den aviacion. Tambe famia Biesum kier a felicita Alison Mercera cu tambe a logra su licencia di piloto priva y gradici'e pa su apoyo y sosten duna na Alwen durante nan estadia na Florida.

Aruba International Film Festival preparando duro




PREPARACION pa Aruba International Film Festival ta den ful swing. Y den e edicion di awe nos kier a duna atencion na un par di pelicula mas cu lo wordo presenta durante e film festival. Tur hende cu ta interesa pa haya mas informacion of pa cumpra carchi por bay riba e website www.aiff.aw y tambe riba IshMedia por mira mas trailer di e peliculanan cu lo pasa durante e festival cu lo tuma lugar di 4 di juni te cu 11 di juni.

Boy Ecury
Genero: biografia / drama / suspenso. Produci na Hulanda na 2003, e peicula ta skirbi pa Arthur Japin y dirigi pa Frans Weisz, y na Hulandes. Ora Boy tawata tin 15 aña, su tata Dundun Ecury cu ta un comerciante Arubiano a manda Boy un internado na Hulanda. Ora cu di dos guera mundial a presenta Boy ta drenta resistencia y prome cu liberacion Boy ta wordo ehecuta door di e Alemanan. Diez aña despues di e sucedido aki Dundun ta yega na e luga caminda tur cos a tuma lugar, pa busca curpa di su yiu homber. E tin un solo indicacion pa haya su yiu, cu ta cu su yiu a muri cu un sonrisa riba su cara. E buskeda di Boy ta pone cu Dundun ta haya

su mes confronta cu e sospechoso cu a mata su yiu, Ewoud. Dundun ta realisa su mes cu e ta proyecta e amor y e proteccion di su yiu Boy, riba Ewoud cu ta wordo sospecha di a mata Boy. Ta yega un momento caminda cu Ewoud ta confesa algo hopi doloroso. E pelicula aki lo wordo pasa diamars 8 di juni 8’or di anochi y tambe diaranzon 9 di juni 5:30 di atardi na Paseo Herencia.

A New York Thing
Genero: comodia. Produci na Merca e aña aki, e pelicula ta skirbi y dirigi pa Oliver Lecot y ta na Ingles. Den tres dia Antoine lo bay pretende di ta John na New York, mientras e ta keda cu Arthur cu ta saliendo cu Alice. Antoine ta desesperadamente enamora di Alice . E tin exactamente tres dia pa wak cu no ta tur muher ta asina romantico manera Antoine mes ta. E tin tres dia pa proba cu e ta un comico, pa test su talento como gañado y tambe su encanto como homber Frances . Tambe e tin tres dia pa stima New York y wordo stima door di New York. E tin tres dia pa convence Alice di su amor unico. A New York Thing lo wordo pasa dialuna 7 di juni na Paseo Herencia 7:30 y 8:30 di anochi. Tambe diamars



dia 8 di juni 9:30 di anochi lo tin oportunidad pa wak e peicula aki na Paseo Herencia.

Sunday
Genero: ficcion cortico. Produci na Merca, e pelicula ta dirigi pa Jo Henriquez y ta na Ingles. Sunday ta basa riba e buki cu basta hende conoce como ‘Dub-belspel’. E ta un short film cu ta conta e secretonan di cuater amigo. Apesar cu e buki ta laga nos sinti e sabor di e bida Caribense y crioyo, ‘Sunday’ ta hinca e mesun elementonan aki den un bachi mas urbano. E produccion aki a wordo dirigi door di nos propio yiu di tera Jo Henriquez. E pelicula aki lo wordo pasa di a 6 di juni na Paseo Hernecia durante e evento di The Spotlight Series. Jo Henriquez nace na Aruba. E a gradua di su VWO y a bay studia na New York. Actualmente e ta un estudiante na NYU Tisch School of the Arts. Aunke cu e ta biba na New York e ta bishita Aruba frecuentemente. Henriquez tambe lo ta presente durante e film festival.

Patricia Caldwell
Un di e actornan femenino mas remarcabel durante di e festival aki ta Patricia Clarkson. For di cuminsamento di añanan 90’ e’la laga gran expectativa pa cine y television cu su glamour y briyo. Patricia ta conoci pa e hecho di evita e tentacion di proyectonan di fabricacion di placa. E’la gradua for di e prestigioso scol di drama di Yale, y e ta conoci pa su acercamento organico den su actuacion. Su lanzamiento den cine tawata cu su 28 aña di edad como sra. Elliot Ness den The Untouchables di Brian de Palma cu Kevin Costner, y e’la

bira un competidor fuerte den e area di cine independiente. Patricia a ricibi hopi premio pa su trabao. Na television, Patricia a ricibi dos Emmy pa su participacion den e serie di comedia Six Feet Under. E’la ricibi premio for di e circulo di criticanan di cine di New York y tambe for di

e sociedad nacional di criticanan di cine pa su trabao di apoyo den e bunita melodrama stilo di añanan 1950 Far From Heaven. Sin importa e duracion, manera den The Green Mile, All the Real Girls, Miracle and Elegy e’la probecha su tempo riba screen, y hopi biaha hortando escenan sin muchu esfuerzo. Patricia recientemente a traha pa e director Woody Allen. Impreciona pa su contribucion den Vicky Cristina Barcelona, el a wordo promovi na un rol pricipal den su mas reciente pelicula Whatever Works. Diaranson 9 di juni Clarkson lo ta participando den un di e serienan di In Conversation With caminda Clarkson lo conta mas di su carera como actriz.

3D

3D movies presented by SETAR

THE CINEMAS

www.thecinemas.aw

VALID TILL JUNE 2

NOW BUY YOUR TICKET ONLINE

AT RENAISSANCE - ORANJESTAD

<div>R</div> <div>SEX AND THE CITY</div>	daily: 5:45 8:30
<div>NEW</div>	matinee: 12:00 2:45 late show: 11:30
<div>PG-13</div> <div>PRINCE OF PERSIA</div>	daily: 5:30 8:00
<div>NEW</div>	matinee: 12:30 3:00 late show: 11:00
<div>PG</div> <div>SHREK FOREVER AFTER 3D</div>	daily: 4:00 6:15 8:30
	matinee: 1:30 late show: 11:15
<div>PG-13</div> <div>DEATH AT A FUNERAL</div>	daily: 4:45 7:00 9:15
	matinee: 12:15 2:30 late show: 11:30
<div>PG</div> <div>STREET DANCE 3D</div>	daily: 4:15 6:30 8:45
	matinee: 2:00 late show: 11:00
<div>PG-13</div> <div>IRON MAN 2</div>	daily: 6:15 9:00
	matinee: 12:45 3:30 late show: 11:45

AT PASEO HERENCIA

<div>R</div> <div>SEX AND THE CITY</div>	daily: 5:45 8:30
<div>NEW</div>	matinee: 12:00 2:45 late show: 11:30
<div>PG</div> <div>JUST WRIGHT</div>	daily: 4:15 6:45 9:15
	matinee: 1:45 late show: 11:30
<div>PG-13</div> <div>ROBIN HOOD</div>	daily: 4:30 7:45
	matinee: 1:00 late show: 11:00
<div>PG-13</div> <div>SHREK FOREVER AFTER 3D</div>	daily: 4:00 6:30 8:45
	matinee: 1:15 late show: 11:15
<div>PG</div> <div>LETTERS TO JULIET</div>	daily: 4:30 7:00 9:30
	matinee: 1:30 late show: 12:00
<div>PG-13</div> <div>IRON MAN 2</div>	daily: 6:00 9:00
	matinee: 12:15 3:00 late show: 11:45

Matinee: sat & sun | Late show: fri & sat

EPB San Nicolaas ta gana den basketball

di Olimpiada Escolar



DEN e prome wega di basketball pa Olimpiada Escolar 2010 cu a tuma lugar diadomingo atardi den Compleho Deportivo Frans Figaroa na Noord, a enfrenta otro EPB San Nicolaas campeon di aña pasa y EPB Hato.

E wega di basketball a bay den un ambiente deportivo y caluroso. Hobennan di ambos school a demostra nan talento deportivo den basketball y cu animo a duna e publico un tremendo wega pa mira.

Bou guia y instruccion di docentenan como coach, e hobennan a hunga cu tactica y ta logra an-

ota basket tras di basket den un wega hopi movibel y interesante. E score final ta keda 46 pa 33 na fabor di e hobennan di EPB San Nicolaas, cu ta logra nan prome victoria den e competencia di basketball pa Enseñansa Avansa

Weganan di basketball ta continua e siman aki riba cancha di basketball di Y.M.C.A. na San Nicolaas pa 3'or di atardi. Pa diaranson atardi ta tuma lugar e wega final.

IDEFRE ta invita e schoolnan, mayor y fanaticonan di basketball pa bin presencia e weganan y apoya nos hobennan den nan encuentro.



DI parti di directiva di Estrella TaeKwondo Center nos kier a felicita nos atletanan cu pa di 4 biaha consecutivo Estrella TaeKwondo ta sali "Best Team". Pa recorda Estrella TaeKwondo Center a sali best team Campeonato Himno y Bandera Challenge contra Brazil TaeKwondo Stichting campeonato Ultimate Cup y awor diasabra ultimo dia 29 di mei a sali Best Team despues di a gana San Nicolas TaeKwondo di Master Bari.

Tambe Estrella TaeKwondo Center kier a manda un danki na Master Bari y SBN Moises Dumfries cu a fungi como refree y tambe na Master Klaber cu a pone disponibel e padnan electronico y e dos docternan presente QBN Bustos y QBN Jimenez y sin lubida tambe mayor

di tur e atletanan cu den un of otro forma a yuda.

Tambe un pabien na e best male fighter Isaak Soto di Estrella TaeKwondo Center y best female fighter Alyeska Lake di San Nicolas TaeKwondo.



Estrella TaeKwondo Center un bes mas a sali best Team



Deporte

Tiger Taekwondo

Aruba Martial Arts Academy



TIGER Taekwondo Academy of Martial Arts di ARUBA, tin e placer di informa, na tur esnan cu ta interesa di un of otro forma den diciplina deportivo, ya cu confirmacion pa e venidero

confrontacion di e deporte, tur pais cu di forma tradicional ta acudi religiosamente na nos evento di character internacional tur aña.

Ta hopi importante pa haci

nota, cu danki na e plataforma comunicacional, paisnan leu ta mustando interes participar den e venidero evento, y asina tambe den futuro desafionan deportivos pa tuma lugar akin a Aruba. Paisnan manera Egipto y India, a tuma contacto pa por participa, danki na e esfuerzo di Maestro Teo Rodriguez, Director di e prestigioso Academia.

Nae invitacional aki anualmente ta acudi acudi paisnan den region manera St Maarten, Surinam, Curacao, Colombia, Venezuela, Mexico, Sto Domingo, St Vincent y otro mas. Esakinan ya a presenta nan credencial pa e interesante evento aki bao e patrocinio di Tierra del Sol y Eumar, y lidera pa Teo Rodriguez.

E aña aki en particular, lo tin oportunidad di disfruta di un categoria poco usual, cada

pais por interveni den loke nos ta yama E Veteranonan di Taekwondo, na unda no ta existi limitacion di edad, den ningun di e competencianan, e idea di maestro Teo ta pa duna y recupera e confianza di e hombernan, cu a duna gloria na e deporte, representando cada un nan paisnan antes menciona y cu awe nan ta biba di recuerdo di nan hazañas den cuadro of reconocimiento colga na muraya of na un clabo.

Cu hopi respet y cariño kier a duna un apoyo special na tur esnan den nan gloria deportivo y danki na e idea, tambe lo reconoce pa medio di e premiacion special tur entrenador cu ta ariba 30 aña.

Nos kier duna nos gradicimento na Herisch Lo An Yu y Marilu de Veer, pa nan valioso colaboracion den pasamento di faha na e

atletanan, Francesco Peterson, Faha Preto 1e Dan, Shifaro Hasselhof, Faha Preto 1e Dan, Fillete Hally y Jhon Pepper, convirtiendo esakinan den e dos promocion di Faha Preto di Tiger Taekwondo Academy di Arte Marcial.

Nos kier invita henter pueblo di Aruba bin apoya boso atletenan dia 19 di juni na Centro deportivo Betico Croes for di 9:00 a.m. E evento aki lo wordo controla dor di referee internacional, di Aruba, Caribe y Merca, presente den cada un di nos eventonan internacional...!

Aruba, duna nos un man y asina nos lo crece fuerte y sano dispuesto pa duna lo mehor pa nos pais...! Haci deporte ta haci patria...!

Prijs di entrada pa adulto Awg,10,00; pa mucha Awg 5,00; bao 4 aña gratis!

Competencia 5 y 3 K organisa pa ARR UWAC lo ta dia 10 di juni

RIBA peticion di Federacion di Futbol e competencia planea pa diabierna 4 di juni a cambia di fecha y lo tuma lugar dia 10 di juni venidero. Esaki lo tuma luga den Stadion Guillermo Prospero Trinidad y ta planea pa cuminsa 6'or di atardi. Dependiendo di e interes por cuminsa un poco mas tempran. Lo cuminsa cu e competencia di marcha olimpico 3K, cu un limite di tempo di 25 minuut. Premiacion lo ta pa e prome tresnan den over-

all damas y caballero. Despues lo sigui cu competencia den coremento 5K cabayero y 3K damas. Ta pidi tur club pa inscribi nan participantenan no mas tarda dia 8 di juni y no lubida di pone nan number di miembrecia. ARR UWAC ta conta riba participacion di tur atleta di distancia largo. Pa mas informacion por yama telefon 594 1412 of manda un mail pa arruwac@hotmail.com of arruwac@gmail.com.

Tur cos ta cla pa e curso di umpire

ARUBA Softball Bond ta participa cu tur cos ta cla pa e curso di umpire cu lo tuma lugar den luna di juni. ISF a aproba peticion di ASB y a apunta Julio Hellburg, instructor di umpire pa Latino Americano, pa bin duna e curso. E curso lo bay ta uno intensivo y lo inicia diamars 8 di juni 5:30 di atardi y lo termina diadomingo 13 di juni pa 6'or di atardi. Lo enfoca tanto riba teoria como practica. ASB lo organisa weganan di fogueo pa asina umpirenan por haya nan practica LIVE. Aruba Softball Bond lo percura

pa tur cursista ricibi un mapa y pen pa nan por haci anotacion y tambe un rule book nobo 2009-2013. Tambe ASB kier anuncia cu pronto e teamnan lo ricibi un rule book nobo mas un caha di bala pa nan practica manera priminti.

Aruba Softball Bond ta contento cu e cantidad di persona cu a inscribi pa e curso. Lamentablemente cupo ta limita y no lo tuma mas cu 22 persona. Ya caba tin mas di 22 persona cu a inscribi y dialuna awor den un reunion lo screen tur candidato pa finalmente selecta e 22

personanan cu lo wordo yama pa confirma nan participacion. Esaki ta muestra cu e interes ta hopi grandi pa un curso di umpire y cu esaki sigur tabata haci hopi falta. ASB kier participa na managernan di tur equipo MIEMBRO di ASB tambe por asisti na e curso aki como observador y pues por sigi e curso pero no por participa activamente y lanza pregunta pero lo ta un bon oportunidad pa adkeri informacionnan di cambionan di reglamento relaciona na e rule book nobo 2009-2013.

AWEMainta****
e corant di Toko

Tel: 583-1400 Fax: 583-1444

Minister Michelle Winklaar a bay felicita

Maria “Mai” Maduro a celebra 101 año di bida y salud



MEI-MEI di tur su yiu y famianan di mas serca, sra. Maria Annette Maduro-Lampe a celebra su hacimento di año. Diarazon siman pasa, “Mai”, manera e ta conoci pa mayoría hende, a cumpli no menos cu 101 año di bida. E ta

gozando di un perfecto condicion di salud y ta gozando di su bida hunto cu su 15 yunan.

“Mai” tin 8 yiu homber, 7 yiu muher, 50 nieto/a, 82 bisanieto/a y 28 tatara-nieto/a. Na ocasion di su cumplea-

ños el a ricibi bishita di Minister di Asuntunan Economico, Asuntunan Social y di Cultura, esta Minister Michelle Winklaar kende a bay desea e cumpleaños tur cos bon, p’e por biba hopi año mas entre su sernan ker. Pabien!

Scol di Idioma ta entrega diploma

DURANTE un encuentro ameno, dos grupo di estudiante a ricibi nan diploma na Fundacion Scol di Idioma Yolanda Croes situa na Pos Chikito. Ta trata aki di e graduadonan di dos curso, esta Papiamento Principiante y Nederlands op Herhaling. E curso di Papiamento tabata un curso completo di 3 luna y esun di Nederlands op Herhaling tabata un curso riba nivel di MBO. E cursonan a wordo facilita pa sra. Karolien Smaers y sra. Yolanda Croes. E graduadonan tabata sumamente orguyoso cu nan logro bon mereci.

Esnan cu a ricibi nan diploma Papiamento Principiante for di man di e Director di e instituto di idioma, tabata: Petra Tax, Carla Fingal, Mirte de Rozario y Daniela Werleman. E feliz graduadonan pa Nederlands op Herhaling cu a ricibi na diploma for di man di nan docente sra. Karolien Smaers tabata Edna Martijn y Radjeshkoemar Debi. Tambe a slaag p’e curso aki, pero no ta riba e potret, Daisy Martijn y Rowald de Mey.



Ultimo pa siman pa inscribi pa “Gang di Arte 2010”

DEPARTAMENTO di Cultura, Fundacion DEC y Departamento di Asunto Social ta haci un ultimo yamada na tur e hobennan pa inscribi pa e competencia di “Gang di Arte 2010”. Inscripción ta sera 4 di juni 2010.

Entrante dialuna 31 di mei 2010 e team di “Gang di Arte 2010” lo ta bishitando e scolnan di Aruba pa motiva y stimula e hobennan pa participa y asina demostra nan talento. E hobennan ta haya e oportunidad di inscribi al instante.

Gang di Arte” ta un competencia artistico y creativo. E intencion ta pa e hoben expresa su mes creativamente, den e disciplina di su escohencia, riba un escenario profesional y cu e oportunidad di bay representa Aruba den exterior. Participacion ta den grupo di 3 te maximal 5 participante. Participantenan por scohe entre e categori- anan musica, canto, baile, teatro, poesia, diseño, filmacion y pintura. Tur presentacion mester ta original y traha pa e hoben(nan) mes cu ta bai ehecuta. No ta acepta trabounan existente di otro persona. Cada grupo ta haya mas o menos 5 minuut pa nan presentacion.

Lugar di inscripcion of pa haya mas informacion ta na Instituto di Cultura, J.E. Irausquinplein 2-A, telefon 582-2185 of yama sr. John Freddy Montoya na 5656903. Un invitacion ta bai na tur hoben pa bin participa y demonstra loke bo por! Inscripción ta te cu 4 di juni 2010.

Muchanan di Centro Infantil “Te Aworo” ta saluda Prome Minister Eman cu masha entusiasmo



RIBA invitacion special di e Centro Infantil “Te Aworo” na San Nicolas, Prome Minister Mike Eman a haci un bishita eynan diarazon ultimo den oranan di mainta. Nan su yegada Prome Minister Eman a wordo ricibi p’e Directora sra.Sheila Cilie-Pietersz y un

miembro di directiva di e centro, sr.Dorothal.

“Te Aworo” a wordo funda 47 aña pasa dor di e soernan di Bethania y tabata e prome den su sorto.

E tempo ey hopi di e muchanan tabata keda drumi. Esaki pa

motibo cu nan mayornan tabata biba of traha na p.e. Noord of Oranjestad y laga nan yiunan keda drumi tabata algo comun. “Te Aworo” tin actualmente 144 mucha cu ta wordo cuida dor di 22 miembro di personal. E edad di e muchanan ta varia di 2 luna (den e babykamer) te 4 aña y nan ta keda eynan sea mitar dia of te atardi 6’or.

centro ta habri su portanan ya for di 7’or di mainta pa muchanan di tur distrito di Aruba. E centro aki ta un iniciativa particular y ta haya un subsidio chikito pa gastonan di explotacion.

Salario di personal y mantencion di e edificio ta wordo cubri pa loke e mayornan ta paga mensualmente pa nan yiunan por keda den e centro infantil

aki.

Loke sigur ta di lamenta t’e hecho cu tin bastante vandalismo ta tuma lugar den e centro aki. E muchanan den e diferente klasnan tabata masha entusiasmo cu bishita di Prome Minister Eman, kende na su turno a keda sumamente encantado cu e acogida espontaneo di e muchanan.

Tayer “Compone den klas”

HAN Vogel, e percussionista di e ensemble DCME di e orkesta di Brabant, lo duna un tayer “componer den klas”. Esaki ta pa docente y studiantenan di IPA, docente di scolnan basico

y otro lidernan cu ta traha cu mucha manera: trai-merdia y scouts.

Otro interesadonan por participa tambe.

E tayer aki ta forma e base di un proyecto cu tin como proposito pa reta e muchanan pa nan mes por bay componer den futuro bao guia di nan docente. E pensamento hunto cu esey ta cu ora bo experimenta bo mes cu material cu ta zona, esaki ta duna un comprendemento pa e composicionnan di compositornan profesional. Esaki ta yuda e muchanan pa nan tin un actitud positivo pa scucha. Riba dje e ta inicia un proceso creativo serca nan pa componer nan propio musica. Componer den klas ta guia finalmente na un producto, pero e proceso ta

esun mas importante.

E tayer ta tuma lugar den e edificio di Fundacion Muchila Creativo den caya G.F. Betico Croes 110 (dilanti di Botica Visser “Oduber”). E fecha ta dia 2 di juni venidero y e orario ta di 7 pa 9 p.m. Bo ta cordialmente invita pa ta presente pa 6.45 p.m., caminda bo por bebe un koffie of un refresco y duna Han un cordial bon bini.

Nos a tene e gastonan pa e tayer aki hopi abao. Studentenan ta paga awg.5,- y e otro participantenan ta paga awg. 10,- Durante e tayer e participante lo ta activamente involvi pa desaroya e habilidad necesario. Despues di e tayer tin oportunidad pa compra material educativo.

Nos ta avisa tur participante pa nan inscribi lihe pasobra cupo ta limita. Dia y ora pa inscribi ta: diamars 1 di Juni entre 6.00 y 8.00 or di anochi na e edificio di Fundacion Muchila Creativo, e momento ey lo bo risibi mas informacion. Tambe por inscribi via email. Si tin pregunta por yama na tel 592 4343 y puntra pa Rose-Marie Provence. No perde e oportunidad unico aki.



Cu profundo tristesa staf y personal di Organo Ehecutivo AZV ta anuncia fayecimento di

Sr. Eugene R. Ringeling

na bida tata di nos director drs. Anco Ringeling

Nos ta manda nos mas sincero condolencia na Anco y su famia. Cu Dios duna hopi forza y consuelo den e dianan dificil aki.

Cu Sr. Eugene Ringeling sosega na paz

AWE Mainta
 noticia@awemainta.com
Tel: 583-1400
Fax: 583-1444



SINCE 1965

PALMERA QUALITY PRODUCTS N.V.



Ta anuncia fayecimento di:

Maryann Evelyn Eman Arends
 mihor conoci como “Enny”

Ex Colega, Mama, Wela, Amiga i alavez Esposa
 di nos director **Albert Eman.**

Staff y personal di Palmera Quality Products N.V.
 kier a manda palabra di condolencia pa Albert Eman, Derrick i famia,
 LouAnn i famia.

Palmera Quality Products N.V.
 lo ta cera ariba Diamars 01 di Juni, 2010 parti atardi pa motibo di Luto.

Ladronnan no ta respeta motor di auto cayente pa saca radiator

DIADOMINGO durante pa-truya 1or di madrugada na altura di Mina di Oro na Balashi, polis di Santa Cruz, ta mira e auto Nissan Super Saloon color di plata A-22645 para.

POLIS a bay controla y a constata cu ta trata di un ladronisia. Polis a nota cu ainda e motor di e auto ta cayente, pero sinembargo e ladronnan a logra bay cu e radiator.

Tambe nan a horta e lusnan di patras y dilanti, nan a bay cu e bateria, tur 4 wiel y tambe radio di e auto. Polis a laga takelwagen hiba e auto warda di Santa Cruz pa su doño bay reclame.



"SEÑOR TA MI LUZ
Y SALBACION"
Ps. 27:1

CU HONDA PENA PERO CONFORME CU BOLUNTAD DI DIOS,
NOS TA ANUNCIA FAYECIMIENTO CRISTIAN DI:

Mary-Ann Evelyn Eman-Arends

α 26 OCTOBER 1933 † 30 MEI 2010

“ENNY”

NA NOMBER DI SU:

- ESPOSO: ALBERT "ALBI" EMAN
JIUNAN: DARRICK Y BIBIANA EMAN
LUANNE Y ARMANDO VILLASMIL JR.
NIETANAN: AMANDA "MANDY" VILLASMIL
MARIA VALENTINA EMAN
KAYLA VILLASMIL
NIETO: ALBERT NICOLAS EMAN
RUMANNAN: JACOBO "TOTY" ARENDS
GILBERT & CATHY ARENDS-ERASMUS
TANTA: MARIA EUCARIS "NENNE" ARENDS
CUÑANAN: EDITHA EMAN, MARGARETH EMAN, ALICE BLANDFORD,
MATHILDE BELTRANENA
AYUDANTENAN: BEATRIZ CABRERA, ALBA ESTINAL
ENFERMERANAN: THERESA QUANDT-SANCHEZ, KATRINE ROJAS-CRUZ
AMIGANAN: **LADIES 2000:** DAPHNE ARENDS, ARLINE ARENDS, EVELINA RAVEN,
NUHAD MANSUR, PALMIRA PONSON, HILLARY GOMEZ,
WIWI KUIPERI, MARIA DE CUBA & NENA PONSON
MAGDA MANSUR, ERICA MANSUR & MAXIMA ARENDSZ
PRIMO- Y PRIMANAN NA GUATEMALA: PERCY WEVER Y FAMILIA,
RUTH WEVER,
CHIQUE VALDEZ DE GONZALEZ Y FAMILIA,
ARTITA WEVER DE RODRIGUEZ Y FAMILIA,
MARTHA CASTILLO DE WEVER Y FAMILIA,
MARGOT DEL VALLE DE WEVER Y FAMILIA

SOBRINO- Y SOBRINANAN, PRIMO- Y PRIMANAN, FAMILIA Y CONOCINAN:
ARENDS, EMAN, WEVER Y DEMAS FAMILIA NA ARUBA, GUATEMALA, MERCA,
HULANDA Y VENEZUELA

TA INVITA TUR AMIGO, BISIÑA Y CONOCI PA ASISTI NA E ACTO DI ENTIERO CUAL TA
TUMA LUGAR **DIAMARS 1 DI JUNI 2010** PA 4'OR DI ATARDI SALIENDO FOR DI
MISA SAN FRANCISCO PA SANTANA CATOLICO DEN CAYA ERNESTO PETRONIA.
E RESTO MORTAL LO TA REPOSA FOR DI 2'OR DI ATARDI DEN MISA SAN FRANCISCO
NA PLAYA.

ADRES DI CONDOLENCIA:
CAYA RUFO WEVER 10
DIALUNA 31 DI MEI 2010, DI 7'OR PA 9'OR DI ANOCHI

NOS TA LAMENTA CU DESPUES DI ENTIERO NOS NO POR RICIBI BISHITA DI
CONDOLENCIA NA CAS.

NOS KIER A PIDI NOS DISCULPA SI NOS POR A LUBIDA UN OF OTRO FAMILIA
DEN NOS TRISTEZA.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Señor ta mi wardador , mi n' tin falta di nada:
Den cunucu di yerba berde,e ta pone mi
Sosega.E ta hiba mi na fuente di awa fresco,Pa
Mi bolbe haya forsa .
Psalmo 23.1
Cu inmenso tristeza na nos curazon, pero conforme cu boluntad di
Dios, nos ta
participa fayecimento di:



Rosalie Narcissa Anthony
*01-11-1972 † 29-05-2010

Adres di condolencia : Aurora Funeral Home, cumana # 76
Diamars 01-06-2010 4'or pa 6'or pm

Acto di entiero lo tuma lugar na Boneiro



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Gradicimento/Invitacion

Na nomber di su casa Escolastica”Lica”Werleman y yiunan,
rumannan kier a gradici tur esnan cu a manda telegram,
krans, mensage, yamadanan y un danki di curason ta bai pa
Franklin Bareño, Mary Geerman, Jo-ane Arends, Martha
Winterdaal y demas familia.
Danki Aurora Funeral Home y conocirnan cu a yuda di un of
otro manera durante fayecimento di mi casa, tata, welo y
ruman stima



PEDRO FELICIANO WERLEMAN
“mihor conoci como Shonpe”

Alaves ta invita pa 2 Santo Sacrificio di misa cual ta tuma
lugar: Diamars 1 juni y Diahuebs 3 di juni 2010 pa 7or di
anochi na misa Santa Filomena na Paradera, despues di e
ultimo misa lo tin un Rosario na cas Seroe Pita 8-A.

Di antemano masha Danki

Polis no a haya nada di atracador ni turista

POLIS di Oranjestad a bay na altura di Doña Clara den Wilhelminas-
traat, for di unda a drenta informacion cu un pareha turista a wordo
menasa y atraca cu un arma blanco. Ora cu polis a yega, nan no a
mira ni atracador ni turista.]

Ladronnan ta sigui horta tubonan di koper

DIADOMINGO anochi, un dokter ta pidi presencia di polis na su
oficina di consultorio, unda ladronnan a lagu'e perhudica. E ta bisa
cu e ladronnan a bay cu tur e tubonan di koper for di e lugar. Polis
a tuma su keho.

Pakiko huur un Rolstoel of bai riba wachtlíjst pa haya un?

Labco tin e solucion!

GRATIS

Cumpra un Standard Rolstoel i haya un Standard pasolamente AWG 310.-

Looprek GRATIS

Tin posibilidad pa paga den dos pago di AWG 155.-

cu otro palabra: PAGABEL PA TUR HENDE!!

Garantia: 8 luna

Labco

Medical & Home Healthcare Services

Yama nos na Tel: 582-6651

Av. Milo Croes 52, Dakota
Horario dialuna te diabierna 9:00am non stop te 5:00pm
diasabra 9:00am - 1:00pm

Keyboard typing

Afl. 100 pa luna (3 luna)

Curso intensivo *Juni 10

Mainta of anochi

Tel. 5880950

TA BUSCA

Un socio/a pa bende
barbeque tur weekend
diasabra y diadomingo
pa mas info: 7361687.
Inversion +/- 500 florin.

BOA

BEWAKING OBSERVATIE ARUBA

BOA

BEWAKING OBSERVATIE ARUBA

BOA, Bewaking Observatie Aruba ta brinda su
servicio di seguridad. Mas informacion via
telefono 582-6434 Job Bank. Nos hendenan ta
bon getrain pa duna bon trabou y tranquilidad.

Quality

MOVING & TRANSPORT

cell: 594-1550 / 594-1826

Muda sin dolor di cabez, Esta facil. Moving is hard,
Let us do it for you.
Muda/Moving/Verhuizing Transport/Courier services

Computer les

*WORD *EXCEL *E-MAIL
*INTERNET*CHAT
*POWERPOINT
*QUICKBOOKS
*WEB PAGE
*ADOBE PHOTOSHOP
*PC REPAIR *FLASH
*BEGINNERS/ADVANCED
També: PRIVATE LES am/pm
Tel. 5880950/7438585

Les di IDIOMA

Estableci na 1993

Grupo FI 250 / Individual FI 400

✓ INGLÉS Juni 7
✓ PAPIAMENTU Juni 7
✓ Hulandes Juni 10

5825893

Juff. Joan

TROPICAL RADIATOR

E MIHOR SERVICIO, E MIHOR CALIDAD,
E MIHOR RADIATOR, I E MIHOR PRIJS
FOR ALL YOUR RADIATORS NEEDS!!!
YOU NAME IT WE MAKE IT !!!!

CAYA G.F. BETICO CROES #248 ORANJESTAD - ARUBA
TEL/FAX 297-5821802 CEL. 5923661/7379999

Mae's

Flower & Gift Shop

Pa tur ocacion nos tin
regalo y blaas pa recién naci

Pos Chiquito 267C, Casas Del Caribe
Tel: 584-9956 Cel: 743-3580

Resultado di Loteria

LOTTO CATOCHI

6885
2994
7551

ZODIAC

5140 Capricornio

BIG FOUR

2026

SUPER FOUR

9904

LOTTO DI DIA 06-13-21-24-29

DIARIO

1477
8667
8174

CORSOW

Servicio pa Comunidad

Telefon di Emergencia

Number di emergencia 911
Polis 100
Brandweer 582-1108
Ambulance O'stad 582-1234
Ambulance S.N. 584-5050
Hospital 587-4300
Centro Medico 584- 8833

Botica na Warda

Pabou di Brug: Botica St. Anna
Pariba di Brug: Botica

Dokter na Warda

Pabou di Brug: dr. Angela
Pariba di Brug: dr.

Otro Servicionan

Setar Info 118
Digicel Info 145
Setar 582-5151
Elmar 582-3700
WEB 525-4600
Serlimar 584-6456
Rode Kruis Aruba 582-2219
FADA 583-2999
AA/NA helpline 583-8989
Fund. Abuso Sexual 582-4433
Fundacion Guia'mi 587-1677
Fund. Muher den Dificultad 583-5400
Fund. Tel. Pa Hubentud 131 588-6138
Accion Rescate 584-2718
Centro Kibrahacha 588-3131

Polis

Polis Tipline 11141
Oranjestad. 582-4000
San Nicolas 584-5000
Savaneta 584-7000
Santa Cruz 527-2900
Noord 587-0009
Strandpolitie 586-3003
Balashi 585-2500
Aeropuerto 582-4800
Aruba Transfer Tour & Taxi 583-2856 582-2116
Best Taxi Services 588-3232
Coop. Ver. Tas 587-5900
ATS 583-5361
Arugas 585-1198
S.O.S. Teleayudo 583-1190

EDITA PA: The Media Group,
Margrietstraat 3, Oranjestad, Aruba,
tel. (297) 583-1400, fax. (297) 5831444,
E-mail: noticia@awemainta.com.
CUENTA DI BANCO: C.M.B. #229-
82600. **BENTA LOS** Afl 1,50.
ABONEMENT Afl. 35,00 pa luna.
ORA DI OFICINA: Dialuna pa Diabierna
8 a.m. - 5 p.m.
IMPRENTA: Imprenta Nacional Arubano.
DIRECTOR: Victor "Toko" Winklaar &
Victor R. Winklaar
REDACCION: noticia@awemainta.com.
BENTA DI AVISO:
sales@awemainta.com

Turista ta perde cartera riba beach

Central di Polis ta manda patruya di Strand-Politie na un highrise hotel, unda un turista a wordo horta. N’e sitio, polis ta papia cu e turista Mericano A.C.di 27 aña, kende ta bisa polis cu desconoci a bay cu su cartera.
E ta bisa cu el a laga e cartera un rato riba beach riba un stul p’e bay bar y ora cu el a bolbe, e cartera a somenta.
Den e cartera e tabatin su pasaporte Mericano, 500 dollar, y yabi di kamber.


Maria Carpenter & Fred Lacourt a casa na Tierra del Sol



MARIA Carpenter y Fred Lacourt, di Milwaukee, WI, a bishita Aruba pa prome biaha dos aña pasa, y

nan a enamora cu e isla. Ora cu nan a tuma e decision pa casa cu otro, ambos di nan tabata di

acuerdo cu Aruba lo ta perfecto y nan a organisa tur detaye cu e especialista di bruid Bonnie Stanley, mientras cu nan a reserva nan estadia na Occidental Resort. E fiesta di bruid, cu binti miembro di famia y amigo presente, a tuma luga na Tierra del Sol Resort, Spa & Country Club, y a inclui entretenimento en bibo cu guitarista Jonathan Sanchez, durante e ceremonia cu a tuma luga pafo, cu bista riba California lighthouse, y e bunita cancha di golf. Un recepcion elegante a tuma luga despues, na Ventanas del Mar restaurant, den e area di lounge, cu champaña y hors d’oeuvres. E cena a consisti di un menu eksisito di tres plato, cuminsando cu Crispy Mixed Greens, y concluyendo cu un pasaboca consistiendo di un Bolo di Chuculati Scur cu Orange Grand Marnier Ice Cream.



Cumana 76

Oranjestad, Aruba

Tel: 588-6699


Fax: 588-6698

Cel : 593-0857 / 560-1403

Señor ta mi wardador, mi’n tin falta di nada, den cunucu di yerba berde. E ta pone mi sosega. E ta hiba mi na awa trankil, pa mi bolbe haya forza.

Salmo:23.1

Cu inmenso tristesa den nos curason pero agradecido na Dios, pa tur locual cu e l’a significa pa nos, nos ta participa fayecimento inespera di:



Eddy Renato Croes

Mihor conosi como “Eddy”

* 19-09-1952 † 29-05-2010

Acto di entierro lo tuma luga Diasabra 5 di Juni 2010 di 9or pa 11ordi mainta na Misa Imaculada Concepcion na Santa Cruz. Respons lo cuminza 10or am.

Adres pa condolencia: Aurora Funeral Home
Cumana # 76
Diabierna 4 di Juni 2010
7:00 – 9:00 pm

TIPO DI CAMBIO OFICIAL

Valido pa 1 juni 2010

Placa Extranhero	Bank Papieren	Wisselen, Cheque Reis Cheque en Over Boeking	Benta na Publico
US Dollar	1.77	1.78	1.80
CAN Dollar	1.68	1.70	1.72
Engelse Pond Sterling	2.52	2.57	2.63
Zwitserse Frank per CHF. 100	153.69	154.41	155.21
Ned.Ant. Gulden per ANG. 100	98.00	100.00 biljetten chq./overboeking	100.20 100.00
Japanse yen per JPY. 10.000	192.87	194.63	196.59
Euro per XEU. 100	217.21	219.19	221.40



Provision di Devisa 1.3%

Segun articulo 12 di Afkondigingsblad di Aruba 1991 nr.GT 32.

Banco Central di Aruba ta defini e tipo di cambio oficial pa e cambionan di placa extranhero.


BANCO DI CARIBE

BNA cu **curso**
‘Prepara
pa baha cu
pensiun ’pa
60-plussers

‘PENSIUN, Un siguiente salida riba caminda di bida. Bo ta prepara pe?’

Biblioteca Nacional Aruba ta ofrece un curso “Un siguiente salida riba e caminda di bida” pa 60-plussers pa personanan drentando un siguiente fase den nan bida. Persona kende nan a baha of ta bai baha cu pension. Esaki ta un curso cu ta yuda bo persona prepara miho pa un fase nobo den bo bida y ahusta na esaki mas mihor cu ta posibel. Hunto ta wak kico ta e posibilidadnan pa pensionadonan y kico ta e obstaculonan emocional cu cada un ta topa riba caminda. Hunto lo trata diferente temanan Durante 8 siman, hunto den grupo lo trata diferente temanan e.o. oportunidad y obstaculo, proceso di luto, creatividad (canto, baile, teatro), terapia di harimento, optimalisa memoria, weganan, con ta anda cu e budget. Tin espacio pa discusion y trata otro ideanan di e cursistanan. Idioma di instruccion ta Papiamentu y/of Hulandes. E curso ta cuminsa diaranson dia 23 di juni (dia 23, 30 juni y 7, 14, 21, 28 juli y 4, 11 augustus), orario ta di 5:45’or pa 7.45 di anochi. Tur encuentro ta tuma lugar den Sala Diamante. E curso ta wordo duna dor di Sra. Fejite Zijlstra, Psychosociaaltherapista/lifecoach di Okido.


E curso ta un iniciativa di Biblioteca Nacional Aruba cu ta e centro pa informacion y conocimiento na Aruba. Biblioteca ta ofrece informacion den diferente forma y ta organisa diferente actividad henter aña. Pa mas informacion encuanto inscripcion y gastonan involvi por yama biblioteca na 582 1580 ext. 259. Persona di contacto ta Gina na g.jie-sam-foek@bibliotecanacional.aw. Registra prome cu dia 11 di juni 2010.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Señor ta mi wardador , mi n’ tin falta di nada:
Den cunucu di yerba berde, e ta pone mi
Sosega. E ta hiba mi na fuente di awa fresco, Pa
Mi bolbe haya forsa .
Psalmo 23.1

A fayece na edad di 68 aña



Sra. Vda. Veneranda Mercedes Heyer- Dubero
Mihor conoci como “Nana, Jolanda of Jol”
***16-01-1942 †31-05-2010**

Esposo: †Frank Heyer
Na number di su:
Yiu stima: Sra. Trinidad Semeleer y Eliezer Rodriguez
Nieta stima: Rachel Semeleer y Josmar Koolman
Juvien Winterdaal
Nieto stima: Angelo Semeleer y Jaindra Oduber

Bisanieta stima: Adrion Semeleer

Mescos cu yiu: Ingrid Arends

Subrina y alavez enfermera di cas: Sra. Shirley Steba- Leo y famia
Subrina manera yiu: Sra. Lilian Besselink y famia
Ayudante: Sra. Sonia Sosa

Rumannan:
Sra. Vda. Mamita Croes- Dubero y famia
Sra. Vda. Johana Croes- Dubero y famia
†Hyacintha Besselink- Dubero y famia
†Jose Dubero y Marina Dubero Wernet y famia
Sr. vdo. Esteban Dubero y famia
Sra. Maria Leo- Dubero y Henny Leo y famia
Sr. Augustin Dubero y famia
Sr. Anselmo Dubero y Theresita Dubero-
Werleman y famia
Sr. Lindo Dubero y sra. Y famia
Sr. Salvador Kelly y sra. y famia

Cuñá- y swanan:
Carmen Martinez y famia na Curacao
Manuela Saladin y famia na Sto. Domingo
Carmelo y Norma Heyer y famia
Betty Werleman y famia
†Shirley Ricardo y famia


Madrina: Sra. Vda. Marina Dubero- Wernet
Cosuegro: Sra. Minerva Rodriguez y famia na Venezuela
Primo manera rumen: Lang y Jeta Statie y famia na Bonaire
Amiganan stima di cas: Sra. Edna Jeandor y famia
Sra. Elba Loeffstoj y famia

Tur su primo- y primanan, subrino- y subrinanan stima, ihanan, amigo y amiganan y tur su bon bisiñanan y demas famia: Heyer, Dubero, Semeleer, Rodriguez, Koolman, Oduber, Saladin, Martinez, Croes, Besselink, Leo, Wernet, Werleman, Kelly, Ricardo, Statie tur ta keda cordialmente invita na e **acto di entierro cual lo tuma lugar Diaranson 02 Juni 2010, 2’or pa 4’or na Aurora funeral Home** y despues **saliendo pa Santana Catolico na Santa Cruz.**
E respons ta cuminsa 3:30pm

Adres pa condolencia : Aurora Funeral Home, Cumana # 76
Diamars 01-06-2010
4’or pa 6’or pm

Nos disculpa si den nos tristeza nos por a lubida algun familiar.


Preferible traje alegre.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Señor ta mi wardador, mi’n tin falta di nada, den cunucu di yerba berde. E ta pone mi sosega. E ta hiba mi na awa trankil, pa mi bolbe haya forza.
Salmo:23.1

A BAI SOSEGA DEN BRAZA DI SENOR MI ESPOSO , TATA, WELO, Y BISAWELO STIMA



SIMON ROSENDO GOMEZ
MIHOR CONOSI COMO "TATA SIM" OF " OUDE SIM
EX EMPLEADO DI LAGO Y EX EMPLEADO DI B.I.D.

NA NOMBER DI SU ESPOSA: LUISA GOMEZ TROMP
SU YUINAN: LINDA Y GIOVANNI VALENCIA Y YUINAN
RONNIE GOMEZ Y YUINAN
NORINDA Y ANTONIO RAS Y YUINAN
† OMAR GOMEZ Y YUI

SU NIETO NIETANAN:
GERALD, SHUMIKA, RUTHLINE, NURIEN, CHRISTEL, RIGINA LD, BRYAN, RICHELLA, OMARCITO
SU BISANIETO
BISANIETANAN: THIALAH, XYON, TESSLAH, XYEN, RUTHL EEN, XYVION, SELINA, ZYLAIN, RAYSHON
SU SWA: DALMASIO TROMP Y ANGELICA Y YUINAN
SU CUNJA: EDWINA TROMP Y FAMILIA
RUMANNAN : CATARINA Y ESPOSO Y FAMILIA
PABLO Y ESPOSA Y FAMILIA
RAFAEL YESPOSA Y FAMILIA
RITA Y ESPOSO Y FAMILIA
MARIO Y ESPOSA Y FAMILIA
NEMENCIO Y ESPOSA Y FAMILIA
EDITHA Y ESPOSO Y FAMILIA
MARTINA Y ESPOSO Y FAMILIA
CHITO Y FAMILIA
NILDA Y FAMILIA
CARLA Y ESPOSO Y FAMILIA
MIRIAM Y ESPOSO Y FAMILIA
MILDRED Y ESPOSO Y FAMILIA
EVELYN y ESPOSO Y FAMILIA
SUBRINO Y SUBRINANAN PRIMO Y PRIMANAN SU IHANAN SU AMIGONAN Y AMIGA STIMA HEIDI KEMP Y FAMILIA SU BISINJANA Y TUR DEMAS
FAMIANAN: GOMEZ, TROMP, CROES, RAS, VALENCIA, MART ES, PAULA, JANSEN, ZIEVINGER, KEMP, THOMAS, BRETE, MARTIJN, WOLF, HOLSMAN, ECKMEYER, BARENO, LOPEZ.

SU VERPLEEGSTER NAN STIMA DI POSADA CLINIC.
DESPENSA NOS SI NOS POR A LUBIDA ALGUN PERSONA Y FAMILIA DEN NOS TRISTESA

DIA Y ORA DI ENTIERO LO WORDO ANUNCIA DESPUES

ADRESS PA CONDOLENCIA: MADIKI #58

Campeonato latino Americano di Baseball Senior na Aruba

ARUBA lo ta sede di e campeonato Latino Americano di Baseball division Senior. Aruba a sali campeon aña pasa den e division aki y awor tin e honor pa ta anfitrión di e weganan aki.

E paisnan cu a confirma cu nan ta bin ta: Corsow, Bonaire, Venezuela, Puerto Rico, Panama, Guatemala, Mexico, St. Maarten y Colombia. Di Aruba lo participa 2 ekipo.

E campeonato lo tuma lugar di 16 te 25 di juli 2010.

E weganan lo tuma lugar na e veld nobo na Santa Cruz y na Joe Laveist Ballpark. Si mester tambe na Duracell.

E aña aki atrobe Blue Village a duna Little League Aruba e mihor oferta pa e muchanan por hospeda. Den pasado caba Blue Village a duna e atletanan un bon trato y un hospedahe sigur. Little League Aruba ta masha agradecido na Gobierno di Aruba cu ta co-sponsor e evento grandi aki.

Tambe na nos otro sponsornan y tur esnan cu di un manera of otro ta aporta na e evento aki.

Uni Aruba lo por sali campeon un biaha mas y pasa pa e World Series na Merca.


Di awor caba nos ta invita pueblo di Aruba pa ta pendiente di e schedule cu lo sali den nos corantnan local. Nos ta spera henter pueblo bin apoya nos atletanan mescos cu a apoya nan durante weganan di Reino.



noticia@awemainta.com


Tel: 583-1400

Fax: 583-1444



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

"Scucha cu bo curason,
Duna sin spera nada a cambio,
Sa con hopi un palabra di cariño bal...
Esey ta e manera cu bo a biba...
Esey ta e lesnan di amor
cu bo a siña nos."



Conforme cu voluntad di Dios y agradecido pa locual cu el a haci y nifica pa nos, nos ta anuncia cu a bay sosega den brasa di Señor:

Sra. vda. Eulogia Evelina Boezem- Ranis
mihor conoci como "Belen"
*15-03-1918 †29-05-2010

Na number di su:
Yiunan:
Margery Boezem
Hubert y Jeanette Boezem- Kelly
Jennifer y Mirto Laclé
Mayra y Leandro Henriquez jr.
Audrey y Steven Mc David
Willem Boezem

Nietonan:
Romar Boezem
Giovanny Boezem
Marylaine y Rudolf Koolman
Gritsanne Boezem
Ghislaine Boezem
Zayenne y Ariën van Heesen
Jemire Laclé
Ellrich Henriquez y Jerisa Lampe
Lizayra Henriquez
Elduard Henriquez
Mellany Mc David
Kevin Mc David
Nayenza y André Martijn
Nayenne Boezem y Alvin Dirksz
Shierlenda Boezem

Bisnietonan: Keanna, Giomar, Shaylee, Ishándre, Kaysia, Rychmar, Ryshawyn, Lupe

Ruman:
Vda. Julia de Palm- Ranis y fam.
†Graciela Thodé- Ranis y fam.
†Guillermito Ranis y fam.

Swa y cuñanan:
Vda. Senaida Ranis y fam., Vda. Rosalinda Thomas y fam.,
Vda. Josefa Nicolaas y fam.,
Eulogia y Hiacinto Winklaar y fam., Ramon y Ramona Boezem y fam.,
Ilario y Frida Boezem y fam.
Miguel Boezem y fam.

Suegronan:
Maria y Willy- Kelly
Margarita y Leandro Henriquez sr.
Editha Laclé- Farro

Ihanan:
Anna Hart y fam., Elsa Lindesey y fam., Rupert Genser y fam.,
Filomena Nicolaas y fam., Richard Thodé y fam., Maria Nectar y fam.,
Herbert Domacasse y fam., Corry Saleh y fam., Lelia Bernabela y fam.


Ayudante: Marian

Sobrino- y sobrinanan, primo- y primanan, comer- y compernan,
amigo- y amiganan, bisiñanan y grupo di oracion "Cristo Nos Bida"

Demas famia: Boezem, Ranis, Kelly, Laclé, Henriquez, Vrolijk, Thodé, Thomas, Winklaar, Nicolaas, Dirksz, Martijn, Dovale, Thom, Celestina, Koolman y famia na Aruba, Corsow, Bonaire, Hulanda.


Acto di entierro lo tuma lugar Diahuebs, 3 di juni 2010 di 2'or pa 4'or di atardi na misa Santa Teresita na San Nicolaas. Despues lo hiba nos querida Belen pa Santana Catolico na San Nicolaas. Lo tin oportunidad pa despedi di nos defunto for di 2'or di atardi.

Adres pa condolencia: Aurora Funeral Home
Cumana # 76
Diaranson, 2 di juni 2010
Di 7'or pa 9'or di anochi.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Tera a produci yerba, tur sorto di palu ku ta duna fruta ku simia aden.
Dios a mira ku tur cos a keda bon.
- Genesis 1:12 -
A fayece den Señor:



Hendricus Anthonius Moons
Mihor conoci como Harry – Pa – Opa
Harry – Meneer Moons
* 15-10-1933, Alphen a/d Rijn, Nederland
† 29-05-2010, Savaneta, Aruba

Na number di su:
Esposa:
Julieta E. Moons-Sharpe

Jiunan:
Lise Marie y Paul Vandormael-Moons
Robert-Jan y Nicole Moons-van Herpen
Joris Anthony Moons y Loes Bomers

Nietonan:
Elias Vandormael y Sophie Moons

Rumannan:
Andreas A. Moons †
Catharina (Tiny) Moons †
Cornelis (Kees) y Marry Moons-v/d Bosch
Jeanette Moons
Elisabeth (Beb) Moons †
Hillegonda (Hilda) y Jérôme Spaas-Moons
Petrus (Piet) Moons

Cuñanan:
Leoncio Sharpe †
Roberto y Mariana Sharpe-Vanterpool
Ramon y Lucy Sharpe-Bardouille
Lidia Sharpe †
Louisa (Elvira) y Juan de Palm-Sharpe
Cynthia Sharpe
Hugo Sharpe
Roy y José Sharpe-Swart
Denise (Dotty) Sharpe
Dennis Sharpe †
Rita y Toine de Caluwé-Sharpe
Franklin Sharpe †

Sobrino y sobrinanan, primo y primanan y demas famia:
Moons, Vandormael, van Herpen, Bomers, Spaas, van den Bosch, Veelenturf, van Niekerk, Sharpe, Vanterpool, Bardouille, de Palm, Swart, de Caluwé, Phillips, Chittick, Bryson, van Heijnigen, Lila Richardson, Nelly Lejuez y famia.

Manera jiu:
Alex Lambert

Bisiñan stima:
Sep y Myrna Arends, Roberto y Rita Bisslik, Erna Arends, Señora Aimey Haime, Sharline Vis, Guillermo y Edith Martinez, Rinus y Truus Prins

Amigonan cerca:
Chibi Willems † y famia, Carlo Tjon y famia, Peter Auwerda, William Phillips, Joan Mahendrepersad, Milda Termaten, Chichi Tromp, Irena y Juan Ras, Rehino Ras y famia, Randy Rasmijn y famia, Annemarie Zschuschen

Amigonan na Hulanda:
Harry y Monica van Betten, Eddie Dijkmans, Pater Koot (Leiden)

Amigonan na Irian Jaya, Indonesië:
Martinus Iba, Frans Wermasubun, Willem Wamburie, Felipus Hegimur, Martina Weripang, Magdalena Leisubun, Fred Dijkmans, Pater Tromp - Katholieke Missie Fakfak

Adres pa Condolencia: Diamars dia 1 di Juni 2010 na Aurora Funeral Home, Cumana #76, di 7'or pa 9'or pm.

Acto di entierro lo tuma lugar Diaranson dia 2 di Juni 2010 pa 4'or di atardi na Capiya Santa Famia na Pos Chiquito y despues saliendo pa Santana Sabana Basora. E restonan mortal lo ta reposa for di 2'or na Capiya Santa Famia.

En bez di krans of flor lo aprecia un donacion pa Wilhelmina Kanker Fonds pa cual lo tin un box disponibel.

Nos ta lamenta cu despues di condolencia lo no por ricibi bishita na cas.

ULTIMO DIANAN! TUR COS MESTER BAI!

MOVING SALE



DESCUENTO TE CU 50%!!!

INTAG

DISCOUNT STORE

Dialuna pa Diabierna di 9'or pa 1'or / 2'or pa 6'or - Diasabra 9'or pa 1'or
NOS TA PATRAS DI AMC UNICON DAKOTA • TEL: 582-7387